

SAMOA

Faatulagaina o Aiaiga

VAEGA I FAATOMUAGA

1. Igoa puupuu ma le amataga
2. Faamatalaina o uiga o upu
3. E lē amanaia Noataga
Faalilolilo

VAEGA II VAAVAAIGA E TETEE ATU AI I TUPE E FAAOFI MAI FAASOLITULAFONO

4. Pulega o Puipuiga mai Tupe
e Faaofi mai Faasolitulafono
5. Aufaigaluega Galulue i
Puipuiga mai Tupe e Faaofi
mai Faasolitulafono
6. Faavaeina o le Vaega o
Suesuega Faapitoa o
Faamatalaga Tau Tupe
7. Galuega tauave ma
malosiaga o le Vaega o
Suesuega Faapitoa o
Faamatalaga Tau Tupe
8. Maliega o le fesuiaiga o
faamatalaga
9. Faailoaina atu o faamatalaga
i lala sooupu i fafo

10. Malosiaga e faia ai suesuega
11. Malosiaga e faamalosi ai le
usitaia o noataga
12. Malosiaga o suesuega
13. Lipotia o tupe e faaulufale
mai i tuaoi o le atunuu
14. Faoa faamalosi ma le taofia o
tinoitupe po o feagaiga tau
tupe
15. Taofia ma le faamatuu atu o
tinoitupe ma feagaiga tau
tupe ua faoa faamalosi

VAEGA III NOATAGA E TAUSIA AI FAAMAUMAUGA MA FAAMAONIA TULAGA E ILOAGOFIE AI

16. Ia faamaonia e
faalapotopotoga tau tupe
tulaga e iloagofie ai tagata e
faaaogāina auuaunaga
17. Tulaga tatau e iloagofie ai
mo le faafoeina o pisinisi
18. Ia tausia e faalapotopotoga
tau tupe faamaumauga

19. Ia tausia e faalapotopotoga tau tupe teuga tupe i igoa moni
20. Ia mataituina e faalapotopotoga tau tupe gaoioiga tau pisinisi
21. Faletupe ma tagata e tuuina atu auaunaga tau tupe ina ia aofia ai faamatalaga a tagata e faapogai
22. Solitulafono

**VAEGA IV
NOATAGA E LIPOTI AI**

23. Ia lipotia e faalapotopotoga tau tupe ni gaoioiga tau pisinisi ua masalomia
24. Ia lipotia e Pulega e vaavaaia po o suetusi ni gaoioiga tau pisinisi ua masalomia
25. Faatagaga e faaauau ai se gaoioiga tau pisinisi ua masalomia
26. Faamatalaga sese pe taufaasese
27. Faailoaina atu o lipoti o gaoioiga faapisinisi ua masalomia ma isi faamatalaga
28. Puipuiga o mea e iloagofie ai tagata ma faamatalaga i lipoti o gaoioiga tau pisinisi ua masalomia
29. Puipuiga o tagata o lo o lipotia ni gaoioiga tau pisinisi ua masalomia
30. Fesootaiga aloaia
31. Isi faiga tau puipuiga a faalapotopotoga tau tupe
32. Tausisia o le sueina faasuetusi o faamatalaga tau tupe
33. Solitulafono i lalo o le Vaega V

**VAEGA V
FAAPUTUGATUPE O
MEATOTINO UA AVEESEA
FAAMALOSI**

34. Faavaeina o le Faaputugatupe
35. Tupe faaopoopo ua teuina i le Faaputugatupe
36. Faasoaina o meatotino
37. Tupe totogi mai le Faaputugatupe
38. Polokalame Faamaonia mo tupe alu

**VAEGA VI
AIAIGA ESEESE**

39. O se Solitulafono le Faaofi mai o Tupe Faasolitulafono mo Faamoemoega e Aumaia po o le Tuueseina Atu o Tagata Solitulafono
 40. Aiaiga mo Faasalaga Lautele
 41. Teugatupe e faia i igoa lē moni, sese pe lē sao
 42. Noataga o tagata e ana galuega ma tagata ofisa autu
 43. Noataga o faatonu, pule po o tagata ofisa o faalapotopotoga ua tuufaatasia faaletulafono
 44. O le lē faailoaina atu
 45. Noataga o pulega e vaavaaia
 46. Puipuiga mausali
 47. Lipoti faa-suetusi ma Lipoti Faaletausaga
 48. Tulafono Faatonutonu
 49. Soloia
 50. Faatulagaga faasaoina ma faatulagaga tau soloaiga
- Faamatalaga 1

2007, Nu. 2**O SE TULAFONO e faia ai aiaiga mo le puipuiga mai tupe
e faaofi mai faasolitulafono ma soloia ai le Tulafono o
Puipuiga mai Tupe e Faaofi mai Faasolitulafono 2000.***[30 Ianuari 2007]*

UA FAIA e le Fono Aoao Faitulafono a Samoa i totonu o le
Palemene ua potopoto e faapea:

**VAEGA I
FAATOMUAGA**

1. Igoa puupuu ma le amataga-(1) E mafai ona taua leni
Tulafono o le Tulafono o Puipuiga mai Tupe e Faaofi mai
Faasolitulafono 2007.

(2) E tatau ona amata faamamaluina leni Tulafono, po o so
o se vaega o leni Tulafono, i se aso e pei ona filifilia i se faiga
tusitusia e le Minisita.

(3) O le Faasilasilaga o le amata faamamaluina o leni
Tulafono po o so o se vaega o leni Tulafono e tatau ona lomia
faasalalau i le gagana Samoa ma le gagana Peretania i totonu o
le Savali ma se isi nusipepa o lo o faasalalauina i totonu o
Samoa.

2. Faamatalaina o uiga o upu-(1) I totonu o leni
Tulafono, ae vagana ai ua manaomia e le mataupu se isi uiga e
ese ai:

“Pulega” o lona uiga o le Pulega o Puipuiga mai Tupe e
Faaofi mai Faasolitulafono ua faavaeina i lalo o le
fuaiupu 4;

“sootaga faapisinisi” o lona uiga o se fuafuaga i le va o se
faalapotopotoga tau tupe ma so o se tagata, o lona
faamoemoe o le faafaigofie o le tauaveina o pisinisi tau
tupe i ona tulaga masani;

“gaoioiga tau pisinisi” e aofia ai so o se faatulagaga po o se
faatulagaga o lo o taumafai e faia, e aofia ai le faia o se
teugatupe i le va o tagata e toalua (2) po o le sili atu pe
afai o le faamoemoe o lea fuafuaga o le faafaigofieina

o se gaoioiga tau pisinisi i le va o tagata o lo o taua ma e aofia ai so o se gaoioiga tau pisinisi e fesootai i ai i le va o so o se tagata o lo o taua ma se isi tagata ma se gaoioiga tau pisinisi e tasi e ese mai ai i sootaga tau pisinisi masani;

“faamaumauga o gaoioiga tau pisinisi” e aofia ai, pe afai e talafeagai ai, i se gaoioiga tau pisinisi:

- (a) faamaumauga e iloagofie ai tagata uma ua aveva ma vaega i lena gaoioiga tau pisinisi; ma
- (b) se faamatalaga o lena gaoioiga ua talafeagai e faailoa mai ai lona faamoemoe ma auala e faatino ai; ma
- (c) faamatalaga auiliili o so o se teugatupe ua faaaogāina mo lena gaoioiga e aofia ai faletupe, lala ma le ituaiga faiga e faavasega ai; ma
- (d) le tau atoa o lena gaoioiga tau pisinisi; ma
- (e) faamatalaga auiliili a tagata na faapogai; ma
- (f) isi lava faamatalaga o le a mafai ai ona tulimatai gaoioiga o meatotino ma vaega o lo o faasino i ai ia mea;

“tinoitupe” o lona uiga o so o se tupe siliva po o tupe pepa ua taua o tupe faatagaina i totonu o le atunuu e tuuina atu ai ma e aofia ai feagaiga tau tupe, siaki tupe tau femalagaiga, tupe e lafoina i meli, ma poloaiga tau tupe;

“Faletupe Tutotonu” o lona uiga o le Faletupe Tutotonu o Samoa ua faavaeina e tusa ai o le Tulafono o le Faletupe Tutotonu o Samoa 1984;

“Faaputugatupe o Meatotino ua Aveesea Faamalosi” o lona uiga o le faaputugatupe ua faavaeina i lalo o le fuaiupu 34;

“pule” o lo o i ai lona uiga tutusa e pei ona aiaia ai i totonu o le fuaiupu 2 o le Tulafono o Teugatupe Faava o Malo 2005;

“tagata e faaaogāina le auaunaga” e faasino i se gaoioiga tau pisinisi po o se teugatupe e aofia ai:

- (a) le tagata, o lona igoa o lo o fuafuaina ai, tatalaina ai pe faia ai i luga se teugatupe po o se gaoioiga tau pisinisi; ma

- (b) se vaega e sainia se gaoioiga tau pisinisi po o se teugatupe; ma
- (c) so o se tagata ua faaee atu i ai po ua faaliliuina atu i ai se gaoioiga tau pisinisi; ma
- (d) so o se tagata ua faatagaina na te faafoe se gaoioiga tau pisinisi; ma
- (e) se isi lava tagata e mafai ona faatonuina faapea;
 - “faamatalaga autu” o lona uiga o se ata, i so o se faiga, o faamatalaga po o talitonuga;
 - “Faatonu” o lona uiga o le Faatonu o le Vaega o Suesuega Faapitoa o Faamatalaga Tau Tupe, ua tofia e tusa ai o le parakalafa 6(2)(a);
 - “faalapotopotoga tau tupe” o lona uiga o so o se tagata o lana galuega masani po o pisinisi o le faatinoina o:
 - (a) so o se gaoioiga ua taua i totonu o le Faamatalaga 1 o lenei Tulafono, ma e aofia ai tagata uma o lo o faatinoina ia gaoioiga i totonu po o fafo atu o Samoa, pe faia e se tagata Samoa po o se tagata e i ai sona ofisa pe ua faamauina i totonu o Samoa; po o
 - (b) so o se isi gaoioiga e pei ona mafai ona fuafuaina e le Minisita ma lomua faasalalau i se faasilasilaga i totonu o le Savali, po o le a le gaoioiga e tataua loa i lona taimi ona aofia ai i totonu o le Faamatalaga 1;
 - “talafeagai ma lelei” o lo o i ai le uiga tutusa e pei ona aiaia ai i totonu o le fuaiupu 3 o le Tulafono o Teugatupe Faava o Malo 2005;
 - “Vaega o Suesuega Faapitoa o Faamatalaga Tau Tupe po o le (FIU)” o lona uiga o le Vaega o Suesuega Faapitoa o Faamatalaga Tau Tupe ua faavaeina i lalo o le fuaiupu 6;
 - “Malo i fafo” o lona uiga:
 - (a) so o se atunuu e ese mai Samoa; ma
 - (b) o vaega faaitumalo taitasi uma o lona atunuu e aofia ai se teritori, atunuu tausisi po o se malo laitiiti e pulea e isi malo tetele o lo o pulea e ia ana ia lava tulafono e faasino i sootaga valalalata faava o malo;

- “Taiala” o lona uiga o taiala ua tuuina atu e le Pulega o Puipuiga mai Tupe e Faaofi mai Faasolitulafono i lalo o le faafuuiupu 4(3);
- “Faamasino” o lona uiga o se Faamasino o le Faamasinoga Sili a Samoa;
- “Minisita” o lona uiga o le Minisita o Tupe;
- “auaunaga o gaoioiga eseese tau tupe” o lona uiga o se tagata (e ese mai nai lo se faletupe ua laiseneina po le Faletupe Tutotonu o Samoa) o lo o tauaveina se pisinisi o:
- (a) faaliliuina o tinoitupe po o le tau aogā o tupe; po o
 - (b) fesuiaiga o tupe; po o
 - (c) aoina, umia, fesuaii po o tupe faamomoli po o le tau aogā o tupe, po o feutagaiga o le faaliliuina o faaputugatupe i se isi faiga e ese ai po o le tau aoga o tupe, e aveia ai ma sui o isi tagata; po o
 - (d) le auina atu o vaegatupe; po o
 - (e) le tuuina atu, faatau atu po o le toe faaolaina mai o siaki tupe o femalagaiga, poloaiga tau tupe, po o pepa faaletulafono tutusa;
- “gaoioiga tau pisinisi e tasi e ese mai ai” o lona uiga o se gaoioiga tau pisinisi ua faia i le va o se tagata e ese mai le faagasologa o se sootaga masani tau pisinisi;
- “faatonuina” o lona uiga ua faatonuina e tulafono faatonutonu po o Taiala ua faia i lalo o lenei Tulafono;
- “Tulafono o Tupe Maua Mai i Soligatulafono” o lona uiga o le Tulafono o Tupe Maua Mai i Soligatulafono 2007;
- “faamaumauga” o lona uiga o so o se pepa o lo o faamauina ai faamatalaga po o ua faailogaina ma e mafai ona faitauina pe malamalama i ai se tagata, faiga tau komepiuta po o isi faiga;
- “Pulega o Tupe Faava o Malo a Samoa” o lona uiga o le Pulega o Tupe Faava o Malo a Samoa na faavaeina e tusa ai o le Tulafono o Pulega o Tupe Faava o Malo a Samoa 2005;

“faamatalaga molimau ua faamalieina ai tulaga e iloagofie ai” o lona uiga o pepa aloaia, faamaumauga po o faamatalaga po o isi faamatalaga molimau e faamalieina ai tulaga e iloagofie ai e faatuatuaina ma tutoatasi, e pei ona mafai ona faatonuina;

“lipoti o gaoioiga tau pisinisi ua masalomia” o lona uiga o se lipoti e manaomia ina ia faia i lalo o le fuaiupu 23 po o le fuaiupu 24;

“o lenei Tulafono” e aofia ai Tulafono Faatonutonu ua faia i lalo o lenei Tulafono;

“gaoioiga tau pisinisi” e aofia ai:

(a) amataina o se teugatupe; ma

(b) teuina o so o se tupe, talaina i tua o tupe, fesuiaiga o tupe, po o le faaliliuina atu o tupe i so o se tupe i tinoitupe po o siaki tupe, o poloaiga e totogi ai tupe po o isi pepa faaetulafono po o e ala i faiga faa eletoroni po o isi faiga e le faitino; ma

(c) le faaaogāina o se pusa tupe e malupuipua po o se isi faiga e teu malu ai tupe; ma

(d) faia o se sootaga faa-tausi mavaega; ma

(e) so o se totogi ua faia e faamalieina ai i lona atoaga po o i sona vaega, o so o se noataga faa feagaiga po o isi noataga faaetulafono; ma

(f) isi lava gaoioiga tau pisinisi e pei ona mafai ona fuafuaina e le Minisita ma lomina faasalalau e ala i se faasilasilaga i le Savali, o lea gaoioiga e tatau loa ona faatatauina e faapea ua aofia ai i totonu o lenei faamatalaga;

(2) O se faasinomaga i totonu o lenei Tulafono e faasino i se pepa aloaia e aofia ai se faasinomaga i:

(a) so o se vaega o se pepa aloaia

(b) so o se ata, ua toe faia po o se ata lona lua o le pepa aloaia po o so o se vaega o le pepa aloaia; po o

(c) so o se vaega o lea ata, ata ua toe faia po o se ata lona lua.

(3) Ae vagana ai o le tulaga e ese le faamoemoe ua aliali mai, se fuaitau o lo o faaaogāina i totonu o le Tulafono ma o lo

o faamatalaina mai lona uiga i totonu o le Tulafono o Tupe e Maua mai i Soligatulafono, o lo o i ai i totonu o lenei Tulafono le uiga tutusa e pei ona i ai i totonu o le Tulafono o Tupe e Maua mai Soligatulafono.

3. E lē amanaia Noataga Faalilolilo – E tatau ona faamamaluina pea aiaiga o lenei Tulafono e ui lava i so o se noataga i le itu faalilolilo po o isi tapulaa i luga o le faailoaina atu o faamatalaga ua faaeeina i ai i so o se tulafono po o se isi tulaga e ese ai.

VAEGA II

VAAVAAIGA E TETEE ATU AI I TUPE E FAAOFI MAI FAASOLITULAFONO

4. Pulega o Puipuiga mai Tupe e Faaofi mai Faasolitulafono-(1) E mafai e le Minisita ona tofia se tagata po o ni tagata e ao ona taua o le Pulega o Puipuiga mai Tupe e Faaofi mai Faasolitulafono ina ia vaavaaia faalapotopotoga tau tupe e tusa ai ma lenei Tulafono.

(2) Seia vagana ai ua oo i le taimi e faia ai e le Minsita se tofiga i lalo o le faafuaiupu (1), o galuega tauave a le Pulega o Puipuiga mai Tupe e Faaofi mai Faasolitulafono e pei ona aiaia i totonu o lenei Tulafono, e tatau ona faatino e le Kovana o le Faletupe Tutotonu, po o so o se tagata ua faatagaina e le Kovana i se faiga tusitusia e fai ma ona sui.

(3) E tatau i le Pulega ona tuuina atu Taiala i faalapotopotoga tau tupe e faasino i le faailoagofie o tagata o lo o faaaogāina auunaga, noataga o le tausia o faamaumauga ma lipoti ma le faailoagofieina o gaoioiga tau pisinisi ua masalomia.

5. Afaigaluega Galulue i Puipuiga mai Tupe e Faaofi mai Faasolitulafono-(1) Ua faavaeina nei le Afaigaluega Galulue i Puipuiga mai Tupe e Faaofi mai Faasolitulafono ma e aofia ai:

- (a) le Kovana o le Faletupe Tutotonu po o isi lava tagata e pei ona tofia i ai e le Kovana e aveia ma Taitaifono; ma

- (b) le Loia Sili; ma
 - (c) le Komesina o Leoleo; ma
 - (d) le Ofisa Sili o Pulega o le Pulega o Tupe Faava o Malo a Samoa; ma
 - (e) le Faauluuluga o le Matagaluega o Tiute; ma
 - (f) le Faauluuluga o le Matagaluega o Tagata e Ulufale mai; ma
 - (g) le Faatonu o le Vaega o Suesuega Faapitoa o Faamatalaga Tau Tupe; ma
 - (h) isi lava tagata e pei ona mafai ona tofia e le Minisita, i le faia i luga o le fautuaga a le Pulega.
- (2) E tatau i le Aufaigaluega Galulue i Puipuiga mai Tupe e Faaofi mai Faasolitulafono ona:
- (a) fautuaina le Pulega i so o se mataupu ua tuuina atu i ai e le Pulega e faatatau i le puipuiga mai tupe e faaofi mai faasolitulafono po o le faatupeina o faiga faatupu faalavelave, e pei ona ua manatu o ia e talafeagai ai; ma
 - (b) i lana lava gaoioiga, ia lipoti atu ma faia fautuaga i le Pulega i so o se mataupu e faasino i le puipuiga mai tupe e faaofi mai faasolitulafono po o le faatupeina o faiga faatupu faalavelave e pei ona manatu ua tatau ai; ma
 - (c) faamautu fesootaiga vavalalata, galulue faatasi ma soosootauau i le va o nisi matagaluega a le Malo, faalapopotoga faaletulafono ma le Pulega faapea le Vaega o Suesuega Faapitoa o Faamatalaga Tau Tupe.
- (3) Ae vagana ai mo le faamoemoe o le faatinoina o tiute tauave o le tagata po o le faataunuuina o galuega tauave a se tagata i lalo o lenei Tulafono po o pe afai ua manaomia e tusa ai ma le tulafono ina ia faia faapea e so o se faamasinoga, e le tatau i se sui o le Aufaigaluega Galulue i Puipuiga mai Tupe e Faaofi mai Faasolitulafono ona faailoa atu so o se faamatalaga po o mataupu ua maua e le tagata i le faatinoga o tiute tauave a lea tagata po o le faataunuuina o galuega tauave a le tagata i lalo o lenei Tulafono, vagana ai mo se tasi po o le sili atu o faamoemoega ua taua e faapea:

- (a) le mauaina, suesuega po o le molia o se solitulafono ogaoga, se solitulafono o tupe e faaofi mai faasolitulafono, po o se solitulafono o le faatupeina o faiga faatupu faalavelave; po o
- (b) le faamalosia o le Tulafono o le Puipua ma le Taofiofia o Faiga Faatupu Faalavelave 2002 po o le Tulafono o Tupe Maua Mai i Soligatulafono 2007.

6. Faavaeina o le Vaega o Suesuega Faapitoa o Faamatalaga Tau Tupe-(1) E tatau ona faavaeina le Vaega o Suesuega Faapitoa o Faamatalaga Tau Tupe e le Pulega o Puipuiga mai Tupe e Faaofi mai Faasolitulafono.

(2) E tatau i le Vaega o Suesuega Faapitoa o Faamatalaga Tau Tupe ona aofia ai:

- (a) se Faatonu ua tofia e le Pulega, i luga o ia tuutuuga e pei ona mafai ona ia fuafuaina; ma
- (b) isi lava tagata e pei ona filifilia i ai e le Pulega.

(3) E tatau i le Faatonu ona faatino uma malosiaga, tiute tauave, ma galuega tauave a le Vaega o Suesuega Faapitoa o Faamatalaga Tau Tupe i lalo o lenei Tulafono.

(4) E mafai e le Faatonu ona faataga so o se tagata, i le noatia ma le fai fuafua i so o se tuutuuga ma aiaiga ua mafai e le Faatonu ona faamaoti mai, ina ia faatino so o se malosiaga, tiute tauave po o galuega tauave ua faaee atu i le Faatonu i lalo o lenei Tulafono.

7. Galuega tauave ma malosiaga o le Vaega o Suesuega Faapitoa o Faamatalaga Tau Tupe-(1) O le Vaega o Suesuega Faapitoa o Faamatalaga Tau Tupe:

- (a) e tatau ona maua e ia lipoti ua manaomia ina ia tuuina atu ia te ia ma faamatalaga ua tuuina atu i ai e so o se lala sooupu o se Malo i fafo, faamatalaga ua tuuina atu e le Vaega o Suesuega Faapitoa o Faamatalaga Tau Tupe e so o se lala sooupu o lo o faamalosia le tulafono po o se faalapotopotoga a le Malo po o se lala sooupu, ma so o se isi lava faamatalaga ua ofo fua atu i le

Vaega o Suesuega Faapitoa o Faamatalaga Tau Tupe e uiga i le masalomia o se solitulafono ogaoga, se solitulafono o tupe faaofi mai faasolitulafono po o se solitulafono o le faatupeina o faiga faatupu faalavelave; ma

- (b) e mafai ona aoina faamatalaga ua manatu le Vaega o Suesuega Faapitoa o Faamatalaga Tau Tupe ua talafeagai i soligatulafono ogaoga, gaoioiga o tupe e faaofi mai faasolitulafono po o le faatupeina o faiga faatupu faalavelave ma e faapea o lo o mauaina faalauaitetele e aofia ai nofoaga autu o faamatalaga faapisinisi o lo o maua po o faamatalaga o lo o faapea ona aoina pe tausia, e aofia ai faamatalaga o lo o faapea ona teuina i totonu o nofoaga autu o faamatalaga o lo o tausia e le Malo; ma
- (c) e mafai ona ia faia auiliiliga ma iloilo lipoti uma ma faamatalaga; ma
- (d) e mafai ona ia talosaga i faamatalaga ma so o se lala sooupu o lo o faamalosi le tulafono, lala sooupu a le Malo, po o lala sooupu e vaavaaia mo faamoemoega o leni Tulafono; ma
- (e) e mafai ona ulufale atu i feagaiga po o fuafuaga o Faamatalaga Faatulafonoina ma le Malo o Samoa ma lala sooupu tumaoti ma pulega, e aofia ai le Galuega tau Leoleo, Matagaluega o Tiute, le Matagaluega o le Ulufale mai o Tagata, o le Faletupe Tutotonu o Samoa ma le Pulega o Tupe Faava o Malo a Samoa, ina ia faamautu ai fesootaiga vavalalata, galulue faatasi ma le malupuipua o le feuaiga o faamatalaga; ma
- (f) e mafai ona tuuina atu faamatalaga e uiga i se solitulafono o tupe e faaofi mai faasolitulafono po o se solitulafono o le faatupeina o faiga faatupu faalavelave, e aunoa ma le manaomia o se talosaga, i lala sooupu i fafo o lo o feagai ma le puipuiga po o le suesuega o tupe e faaofi mai faasolitulafono po o le puipua ma le taofiofia o

faiga faatupu faalavelave, pe afai e oo atu ia faamatalaga i le Vaega o Suesuega Faapitoa o Faamatalaga Tau Tupe ma e mafai ai ona fesoasoani atu i lena lala sooupu i fafo; ma

- (g) e mafai ona auina atu so o se lipoti, so o se faamatalaga ua maua mai sea lipoti po o so o se isi faamatalaga ua ia maua mai, i le pulega talafeagai o lo o faamalosia le tulafono ma, pulega e vaavaaia pe afai, i le tulaga o lana auililiga ma iloiloga, ua i ai foi i le Vaega o Suesuega Faapitoa o Faamatalaga Tau Tupe mafuaaga talafeagai e masalomia ai e faapea o lo o i ai tulaga o lo o masalomia i le gaoioiga tau pisinisi;
- (h) e mafai ona logoina so o se pulega faatonutonu, lala sooupu a le Malo po o lala sooupu o lo o faamalosia le tulafono, e uiga i se tuuaiga o le solia e se faalapotopotoga tau tupe o aiaiga o lenei Tulafono, po o Tulafono Faatonutonu faatasi ai ma se manaoga e faapea, ia iloiloaina e sea pulega po o sea lala sooupu le pisinisi po o isi laisene a le faalapotopotoga tau tupe, ona o le tuuaiga i le solia o aiaiga; ma
- (i) e tatau ona faatamaia se lipoti o se gaoioiga ua masalomia ua maua pe ua aoina pe afai ua faamutaina le lima tausaga talu le aso ua maua ai le lipoti, pe afai e leai se isi gaoioiga po o faamatalaga e faasino i le lipoti po o le tagata ua taua lona igoa i totonu o le lipoti mo tausaga e lima talu mai le aso o le gaoioiga mulimuli e faasino i lea tagata po o lea lipoti; ma
- (j) e mafai ona faatonu so o se faalapotopotoga tau tupe ina ia faia ni laasaga e pei ona talafeagai ai e faasino i so o se faamatalaga po o lipoti ua maua e le Vaega o Suesuega Faapitoa o Faamatalaga Tau Tupe ina ia faamalosia ai le usitaia o lenei Tulafono po o ina ia faafaigofieina ai so o se suesuega o lo o fuafua e le Vaega o Suesuega Faapitoa o Faamatalaga Tau Tupe, e ui lava e

faapea e le i faia e lena faalapotopotoga tau tupe se lipoti o gaoioiga tau pisinisi ua masalomia e faasino i sea mataupu; ma

- (k) e mafai ona tuufaatasia faamaumauga o fuainumera ma faamatalaga tusitusia, faasalalauina o faamatalaga i totonu o Samoa po o isi nofoaga ma faia fautuaga e tulai mai i so o se faamatalaga ua maua; ma
- (l) e mafai ona tuuina atu polokalame faaleaoaoga mo faalapotopotoga tau tupe e faasino i le faailoaina o tagata e faaaogāina auaunaga, tausiga o faamaumauga ma noataga tau lipoti ma le faailoaina o gaoioiga tau pisinisi masalomia; ma
- (m) e mafai ona faia i le faaeteetega ua talafeagai ai ni siaki ma isi suesuega e pei ona talosagaina i se faiga tusitusia e le Faletupe Tutotonu, Pulega o Tupe Faava o Malo a Samoa, Galuega Tau Leoleo a Samoa ma isi lala soupupu ma matagaluega a le Malo, e pei ona taua mai e le Pulega; ma
- (n) e mafai ona tuuina atu ni manatu faaalua i faalapotopotoga tau tupe ma isi lala soupupu talafeagai e uiga i faaiuga e faasino i lipoti po o faamatalaga ua tuuina atu i lalo o lenei Tulafono; ma
- (o) e mafai ona faafoe ai suesuega i faiga ma atinae i le itu o tupe e faaofi mai faasolitulafono ma le faatupeina o faiga faatupu faalavelave ma auala e faaleleia ai le mauaina, puipuia ma taofia tupe e faaofi mai faasolitulafono ma le faatupeina o faiga faatupu faalavelave; ma
- (p) e mafai ona aoaoina tagata lautele ma faalauiloa mataupu e faasino i tupe e faaofi mai faasolitulafono ma le faatupeina o faiga faatupu faalavelave; ma
- (q) e mafai ona maua isi faamatalaga i vaega po o gaoioiga tau pisinisi ua taua i totonu o se lipoti ua faia i lalo o fuaiupu 13, 23 ma le 24; ma

- (r) e mafai ona faailoina atu so o se lipoti, so o se faamatalaga ua maua mai sea lipoti po o so o se isi faamatalaga ua ia maua, i se Malo i fafo po o se faalapotopotoga po o lala sooupu o se Malo i fafo po o se faalapotopotoga faava o Malo ua faavaeina e Malo i fafo ia o lo o i ai malosiaga ma tiute tauave o le Vaega o Suesuega Faapitoa o Faamatalaga Tau Tupe e pei ona faatulagaina mai i totonu o fuaiupu 8 ma le 9, pe afai i luga o le tulaga o le auiliiliina ma iloiloga, o lo o i ai i le Vaega o Suesuega Faapitoa o Faamatalaga Tau Tupe mafuaaga talafeagai e masalomia ai e faapea, o le lipoti po o le faamatalaga e ono talafeagai i le suesuega po o le moliaga i se solitulafono ogaoga, se solitulafono o tupe e faaofi mai faasolitulafono po o se solitulafono o le faatupeina o faiga faatupu faalavelave.
- (2) Afai ua i ai i le Vaega o Suesuega Faapitoa o Faamatalaga Tau Tupe ni mafuaaga talafeagai e masalomia ai e faapea o se gaoioiga tau pisinisi po o se gaoioiga tau pisinisi o lo o fuafuaina e mafai ona:
- (a) aafia ai tupe e maua mai i soligatulafono ogaoga, se solitulafono o tupe e faaofi mai faasolitulafono po o se solitulafono o le faatupeina o faiga faatupu faalavelave; po o
- (b) avea o se tapenapenaga o se solitulafono o le faatupeina o faiga faatupu faalavelave e mafai e ia, e ala i se talosaga e faia agai i le faamasinoga, ona talosaga mo se poloaiga ina ia taofia ai mo se taimi le tumau vaegatupe ua aafia ai i lea gaoioiga faapisinisi po o se gaoioiga faapisinisi o lo o taumafai e faatino.
- (3) O le Faamasinoga i luga o se talosaga i lalo o le faafuaiupu (2) ma ina ua faamalieina e faapea o lo o i ai mafuaaga talafeagai e masalomia ai e faapea o se gaoioiga faapisinisi po o se gaoioiga faapisinisi o lo o taumafai e faatino e mafai ona:

- (a) aofia ai tupe e maua mai i se solitulafono ogaoga, se solitulafono o tupe e faaofi mai faasolitulafono po o se solitulafono o le faatupeina o faiga faatupu faalavelave; po o
 - (b) ina ia tapenaina le faia o se solitulafono o le faatupeina o faiga faatupu faalavelave, faia se poloaiga e faatonuina ai faalapotopotoga tau tupe ina ia lē faaauuina le faia o lena gaoioiga faapisinisi po o le gaoioiga faapisinisi ua taumafai e faatino po o so o se isi gaoioiga e tusa ai o vaegatupe ua aofia i lena gaoioiga faapisinisi po o gaoioiga faapisinisi o lo o taumafai e faatino mo se vaitaimi e fuafuaina e le Faamasinoga, lea e le silia i le lima aso, ina ia mafai ai e le Vaega o Suesuega Faapitoa o Faamatalaga Tau Tupe;
 - (c) faia so o se suesuega talafeagai e tusa ai o lea gaoioiga faapisinisi po o le gaoioiga faapisinisi o lo o taumafai e faatino; ma
 - (d) afai e manatu le Vaega o Suesuega Faalilolilo o Faamatalaga Tau Tupe e talafeagai, ia feutagai ma pe fautuaina le lala sooupu talafeagai o lo o faamalosia le tulafono e uiga i le suesuega.
- (4) E mafai e le Faamasinoga, i luga o se talosaga a le Vaega o Suesuega Faapitoa o Faamatalaga Tau Tupe ona faaopopo le vaitaimi o le faagaoioiina o le poloaiga ua faamatuuina atu i lalo o le faafuaiupu (3).

8. Maliega o le fesuiaiga o faamatalaga-(1) E mafai e le Vaega o Suesuega Faapitoa o Faamatalaga Tau Tupe, faatasi ai ma le faamaoniga a le Pulega, ona ulufale atu i se maliega po o le fuafuaina i se faiga tusitusia ma:

- (a) le Malo i fafo; po o
- (b) se faalapotopotoga po o se lala sooupu o se Malo i fafo po o se faalapotopotoga faava o malo ua faavaeina e Malo i fafo o lo o i ai malosiaga ma tiute tauave e tutusa ma malosiaga ma tiute tauave o le Vaega o Suesuega Faapitoa o Faamatalaga Tau Tupe; po o
- (c) se pulega i fafo o lo o faamalosia ma vaavaaia le tulafono,

e uiga i le fesuiaiga o faamatalaga i le va o le Vaega o Suesuega Faapitoa o Faamatalaga Tau Tupe ma le malo, faalapotopotoga, pulega po o lala sooupu i le a lava le tulaga e i ai.

(2) E tatau i maliega ma fuafuaga ua faia i lalo o le faafuaiupu (1) ona:

- (a) faatapulaaina ai le faaaogāina o faamatalaga i faamoemoega e talafeagai i suesuega po o moliaga i se solitulafono ogaoga, se solitulafono o tupe e faaofi mai faasolitulafono po o se solitulafono o le faatupeina o faiga faatupu faalavelave, po o se solitulafono e tutusa lona ogaoga ma sea solitulafono; ma
- (b) ua aiaia manino ai e faapea e ao ona tagofia le faamatalaga i se faiga faalilolilo ma e le tatau ona toe faailoaina atu e aunoa ma le maliega talafeagai a le Vaega o Suesuega Faapitoa o Faamatalaga Tau Tupe.

(3) I le i ai faatasi po o e aunoa ai ma so o se Faamatalaga Faatulafonoina, maliega po o se fuafuaga, e mafai e le Pulega ona faamaonia so o se talosaga mo fesoasoani ma faamatalaga ua ia maua mai se lala sooupu i fafo o lo o aafia ai i puipuiga mai tupe e faaofi mai faasolitulafono po o le faatupeina o faiga faatupu faalavelave, ae vagana ai e faapea o so o se faamatalaga ua tuuina atu e tatau ona noatia i tapulaa ua aiaia i totonu o le faafuaiupu (2).

(4) E tatau ona tagofiaina so o se talosaga ua faamaonia i lalo o le faafuaiupu (3) e avea o se mataupu e ao ona suesue ma auiliiliina e le Vaega o Suesuega Faapitoa o Faamatalaga Tau Tupe ma e tatau i le lala sooupu i fafo ona i ai le pule faataga ma malosiaga uma e talosaga ai mo faamatalaga ma faatonuga ma le faamalosia, e pei ona maua e le Vaega o Suesuega Faapitoa o Faamatalaga Tau Tupe mo so o se isi mataupu o lo o suesueina ma auiliiliina e ia, ma e tatau i sea pule faataga ma malosiaga ona faatinoina e le Vaega o Suesuega Faapitoa o Faamatalaga Tau Tupe i le avea ai ma sui o le lala sooupu i fafo.

9. Faailoaina atu o faamatalaga i lala sooupu i fafo-(1) E mafai e le Vaega o Suesuega Faapitoa o Faamatalaga

Tau Tupe ona faailoa atu so o se faamatalaga i se po o se lala sooupu o se Malo i fafo po o se faalapotopotoga faava o malo po o isi faalapotopotoga po o lala sooupu ua faavaeina e Malo i fafo ia e i ai o latou malosiaga ma tiute tauave e tutusa ma malosiaga ma tiute tauave o le Vaega o Suesuega Faapitoa o Faamatalaga Tau Tupe, i luga o tuutuuga lava ia ma aiaiga e pei ona faatulagaina mai i totonu o le maliega po o le fuafuaga i le va o le Vaega o Suesuega Faapitoa o Faamatalaga Tau Tupe ma lena Malo i fafo po o faalapotopotoga faava o malo po o ana faalapotopotoga po se lala sooupu, i le a lava le tulaga e i ai e uiga i le fesuiaiga o ia faamatalaga.

(2) E leai se mea o i totonu o le faafuaiupu (1) e tatau ona faatapulaaina ai le malosiaga o le Vaega o Suesuega Faapitoa o Faamatalaga Tau Tupe i le faailoaina atu o ana faamatalaga i se faalapotopotoga po o se lala sooupu o se Malo i fafo po o se faalapotopotoga faava o malo po o isi faalapotopotoga po o lala sooupu ua faavaeina e Malo i fafo ia o lo o i ai malosiaga ma tiute tauave e tutusa i malosiaga ma tiute tauave o le Vaega o Suesuega Faapitoa o Faamatalaga Tau Tupe, mo faamoemoega o se suesuega, moliaga po o tualumaga e faasino i se solitulafono ogaoga, se solitulafono o tupe e faaofi mai faasolitulafono po o se solitulafono o le faatupeina o faiga faatupu faalavelave.

10. Malosiaga e faia ai suesuega-(1) E mafai e le Vaega o Suesuega Faapitoa o Faamatalaga Tau Tupe po o so o se tagata ua ia faatagaina i se faiga tusitusia ona suesueina faamaumauga ma suesue le pisinisi ma mataupu o so o se faalapotopotoga tau tupe mo le faamoemoe o le faamautuina o le usitaia o lena Tulafono po o Taiala, po o mo faamoemoega o so o se suesuega po o se auiliiliga ua uma ona faia e le Vaega o Suesuega Faapitoa o Faamatalaga Tau Tupe ma mo ia faamoemoega, e mafai:

- (a) i so o se taimi talafeagai, ona ulufale atu i so o se fanua ma fale lea ua talitonu le Vaega o Suesuega Faapitoa o Faamatalaga Tau Tupe, i luga o mafuaaga talafeagai, e faapea o lo o i ai faamaumauga e talafeagai ma lana suesuega po o

auiliiliga po o ina ia faamautu ai le usitaia o lenei Tulafono; ma

- (b) faaaogā pe fuafua e faaaogā so o se faiga faakomepiuta po o e faamaumau ai faamatalaga i totonu o fanua ma fale ina ia suesue ai so o se faamatalaga o lo o aofia i totonu po o lo o maua i totonu o lea faiga; ma
- (c) toe faia ai so o se faamaumauga po o le fuafua ina ia toe faia le faamatalaga i se pepa lolomi po o isi faatinoga talafeagai, ma aveese le pepa lomua po o le isi faatinoga mo le suesuega po o le faia o ni ata; ma
- (d) faaaogā pe fuafua ina ia faaaogā so o se meafaigaluega e faia ata o pepa i totonu o fanua ma fale ina ia faia ai ni ata o so o se faamaumauga.

(2) O le tagata e ona po o le tagata e nafa ma fanua ma fale o lo o taua i totonu o le faafuaiupu (1) ma tagata uma ua maua ai i totonu o ia fanua ma fale e tatau ia i latou ona tuuina atu i le Vaega o Suesuega Faapitoa o Faamatalaga Tau Tupe po o so o se tagata ua faatagaina i fesoasoani uma e talafeagai ai ina ia mafai ai ona tauaveina ai latou matafaioi ma e tatau ona tuuina atu faatasi ma so o se faamatalaga e faapea e faaono manaomia e i latou e tusa ai o le faafoega o lenei Tulafono po o tulafono faatonutonu.

(3) E mafai e le Vaega o Suesuega Faapitoa o Faamatalaga Tau Tupe ona faaooina atu so o se faamatalaga mai, po o ua maua mai sea suesuega i pulega talafeagai tau lotoifale po o pulega i fafo o lo o faamalosi le tulafono, pe afai ua i ai ni mafuaaga talafeagai i le Vaega o Suesuega Faapitoa o Faamatalaga Tau Tupe e masalomia ai e faapea o lea faamatalaga e masalomia po o e talafeagai lona suesueina mo le itu e uiga i le lē usitaia o lenei Tulafono, se solitulafono ogaoga, se solitulafono o tupe e faaofi mai faasolitulafono po o se solitulafono o le faatupeina o faiga faatupu faalavelave.

(4) So o se tagata ua ia taofia ma le loto i ai faalavelave po o ua le mafai ona galulue faatasi ma le Vaega o Suesuega Faapitoa o Faamatalaga Tau Tupe po o so o se tagata ua faatagaina i le faatinoina faaletulafono o malosiaga i lalo o le faafuaiupu (1), po o so o se tagata o ia lea ua le usitaia le faafuaiupu (2) ua faamaonia lona moliaga i se solitulafono ma e tatau ona faasalaina i luga o le moliaga i se sala tupe e le silia le 500 iunite tau faasalaga po o le falepuipui mo se vaitaimi e le silia le lima (5) tausaga, po o faasalaga uma e lua.

11. Malosiaga e faamalosia ai le usitaia o noataga-(1) E tatau i tagata ofisa uma ma tagata faigaluega o se faalapotopotoga tau tupe ona faia laasaga uma talafeagai e faamautu ai le usitaia e lena faalapotopotoga tau tupe o ana noataga i lalo o lena Tulafono.

(2) E mafai e le Vaega o Suesuega Faapitoa o Faamatalaga Tau Tupe ona faatonuina so o se faalapotopotoga tau tupe, e faapea ua le mafai ona ia usitaia e aunoa ma se mafuaaga talafeagai i lona atoaga po o sona vaega o so o se noataga i totonu o Vaega IV po o le V, ina ia faatino ai so o se gaoioiga tau fuafuaga e faamautu mai ai le usitaia o ona noataga i lalo o lena Vaega.

(3) Afai ua le mafai e se faalapotopotoga tau tupe ona usitaia se faaiuga i lalo o le faafuaiupu (2), e mafai e le Vaega o Suesuega Faapitoa o Faamatalaga Tau Tupe, i luga o se talosaga i le Faamasino ma faamalieina le Faamasino e faapea ua le mafai ona usitaia e se faalapotopotoga tau tupe e aunoa ma se mafuaaga tatau i lona tulaga atoa po o sona vaega so o se noataga i lalo o Vaega IV po o le V, ona tapa se poloaiga e faasaga i so o se tagata ofisa po o se tagata faigaluega po o tagata ofisa uma o lena faalapotopotoga tau tupe i tuutuuga ia ua manatu le Faamasinoga ua talafeagai ai ina ia faamalosia ai le usitaia o sea noataga.

(4) I le tuuina atu o se poloaiga e tusa ai o le faafuaiupu (3), e mafai e le Faamasinoga ona poloaia e faapea afai ua le mafai e le faalapotopotoga tau tupe po o so o se tagata ofisa po o se tagata faigaluega o lena faalapotopotoga ona usitaia e aunoa ma se mafuaaga talafeagai aiaiga uma po o so o se aiaiga

o lenei poloaiga, e tatau i se faalapotopotoga tau tupe, tagata ofisa po o tagata faigaluega ona totogi atu se faasalaga tau tupe i le aofaiga e 500 iunite tau faasalaga po o se isi faasalaga e pei ona fuafuaina e le Faamasinoga.

12. Malosiaga o suesuega-(1) O le Vaega o Suesuega Faapitoa o Faamatalaga Tau Tupe, le Pulega po o tagata ofisa ua tofia e Galuega Tau Leoleo, i luga o se talosaga i se Faamasino po o le Resitara o le Faamasinoga ma ua faamalieina le Faamasino po o le Resitara, i le a lava le tulaga e i ai, e faapea o lo o i ai ni mafuaaga talafeagai e talitonuina ai e faapea:

- (a) ua le mafai e le faalapotopotoga tau tupe ona tausia faamaumauga ma faamaonia tulaga moni e iloa ai, e pei ona aiaia i totonu o le Vaega III; po o
- (b) ua le mafai e le faalapotopotoga tau tupe ona lipotia gaoioiga faapisinisi ua masalomia e pei ona aiaia i totonu o le Vaega IV; po o
- (c) ua faia, sa faia, po o le a faia e se tagata ofisa po o se tagata faigaluega o se faalapotopotoga tau tupe se solitulafono o tupe e faaofi mai faasolitulafono po o se solitulafono o le faatupeina o faiga faatupu faalavelave,

e mafai ona tapa se tusi poloaiga e ulufale ai i so o se fanua ma fale o, o lo o umia po o lo o i lalo o le faafoega a le faalapotopotoga tau tupe po o so o se tagata ofisa po o se tagata faigaluega o sea faalapotopotoga ma ia sueina fanua ma fale ma aveese mai ai so o se pepa aloaia, meafaitino ma isi mea o lo o i ai i totonu mo faamoemoega o le Vaega o Suesuega Faapitoa o Faamatalaga Tau Tupe, le Pulega po o Galuega Tau Leoleo, i le a lava le tulaga e i ai, e pei ona poloaiina e le Faamasino po o le Resitara ma faamaoti mai i totonu o le tusi poloaiga.

(2) I totonu o lenei fuaiupu, o 'fanua ma fale' e aofia ai:

- (a) fanua, ua i ai pe leai ni fale; ma
- (b) so o se fausaga, o lo o faatuina i luga o le fanua pe leai; ma

(c) so o se auala o femalagaiga.

(3) E leai se mea i totonu o lenei fuaiupu e faataga ai se tagata na te suesueina se tagata o le isi ituaiga faafeagai o kenera.

(4) So o se tagata ua ia taofia ma le loto i ai, faalavelave po o ua le mafai ona galulue sofaatasi ma le Vaega o Suesuega Faapitoa o Faamatalaga Tau Tupe, le Pulega po o Galuega Tau Leoleo i le faatinoina faaletulafono o malosiaga i lalo o le faafuuiupu (1) ua faamaonia lona nofosala i se solitulafono ma e tatau ona faasalaina i luga o se moliaga ua faamaonia i se sala tupe e le silia le 500 iunite tau faasalaga po o i le falepuipui mo se vaitaimi e le silia le lima (5) tausaga po o faasalaga uma e lua.

13. Lipotia o tupe faaulufale mai i tuaoi o le atunuu-(1)

So o se tagata ua tuua pe ulufale i Samoa ma le silia i le \$20,000, po o se isi aofaiga e pei ona mafai ona faatonuina, i tinoitupe po o pepa faaletulafono o feagaiga tau tupe (i tupe Samoa po o aofaiga tutusa o tupe mai fafo) o lo o umia e le tagata po o lo o i totonu o uta a le tagata, e aunoa ma le lipotia muamua o lea tulaga moni i le Vaega o Suesuega Faapitoa o Faamatalaga Tau Tupe, ua ia faia se solitulafono ma e tatau ona noatia i luga o se moliaga ua faamaonia faaletulafono i se sala tupe e le silia le 100 iunite tau faasalaga po o le falepuipui mo se vaitaimi e le silia le 5 tausaga po o faasalaga uma e lua.

(2) Mo le faamoemoega o lenei fuaiupu ma le fuaiupu 14, o fuaitau:

“tagata ofisa faatagaina” o lona uiga;

(a) o se tagata ofisa ua filifilia e Galuega Tau Leoleo; po o

(b) se tagata ofisa o le Tiute; po o

(c) tagata faigaluega o le Faletupe Tutotonu ua faatagaina e le Kovana; po o

(d) se tagata faigaluega o Pulega o Malae Vaalele ua faatagaina e le Pule o le Malae Vaalele; po o

(e) se tagata ofisa o le Vaega o Suesuega Faapitoa o Faamatalaga Tau Tupe;

“pepa faaletulafono o feagaiga tau tupe” o lona uiga o se pepa aloaia e faailoa mai ai le umiaina o aitalafu po o noataga, e aofia ai poloaiga tusia e totogi ai tupe, poloaiga e totogi ai tupe po o pepa faamaonia o teugatupe, ua mafai ona totogi atu i lē e umia pe leai.

(3) Afai o se tagata:

(a) ua sauni e tuua Samoa po ua taunuu i totonu o Samoa; po o

(b) ua sauni e tuuvaa atu pe tuua, po o ua tuuvaa po o ua malaga ese atu, i so o se vaa, vaalele po o ala o felauaiga,

e mafai e se tagata ofisa faatagaina, faatasi ma se fesoasoani e pei ona tatau ai ma talafeagai, ma le faaaogāina o le malosi e pei ona tatau ai:

(c) suesue so o se meafaitino o lo o i ai i lea tagata po o i totonu o le uta a lea tagata; ma

(d) afai e i le tagata ofisa mafuaaga talafeagai e masalomia ai e faapea sa faia pe o lo o faia se solitulafono i lalo o le faafuaiupu (1), ia sueina le tagata,

mo le faamoemoe o le sailia pe o umia e lea tagata so o se tinoitupe po o pepa faatulafonoina o feagaiga tau tupe o le umia e pei ona manaomia ai se lipoti i lalo o le faafuaiupu (1).

(4) E le tatau ona sueina se tagata seia vagana ua sueina e se tagata e tutusa o la kenera.

(5) E mafai e se tagata ofisa faatagaina ma so o se tagata e fesoasoani i sea tagata ofisa ona taofi, ulufale atu ma sueina so o se vaa, vaalele po o ala o felauaiga mo le faamoemoe e faatino malosiaga ua faaeeina atu e le faafuaiupu (3).

(6) Afai ua i ai mafuaaga talafeagai i se tagata ofisa faatagaina e masalomia ai e faapea ua maua tinoitupe po o pepa faatulafonoina o feagaiga tau tupe o lo o umia i le faagasologa o se suesuega po o le sueina, ua faia i lalo o le faafuaiupu (3), e mafai ona ia tuuina atu faamatalaga molimau e uiga i le faia o se solitulafono i lalo o lenei fuaiupu, se solitulafono ogaoga, se solitulafono o tupe e faaofi mai faasolitulafono po o le solitulafono o le faatupeina o faiga faatupu faalavelave, e mafai

e le tagata ofisa ona faoa faamalasia le tinoitupe po o pepa faatulafonoina o feagaiga tau tupe o lo o umia.

(7) E tatau i se tagata ofisa faatagaina ua ia faoa faamalasia tinoitupe po o pepa faatulafonoina o feagaiga tau tupe o lo o umia i lalo o le faafuaiupu (6) ona lipoti atu le faoina o ia mea i le Vaega o Suesuega Faapitoa o Faamatalaga Tau Tupe.

(8) E mafai e le Vaega o Suesuega Faapitoa o Faamatalaga Tau Tupe ona faaoo atu ata o lipoti ua faia i lalo o le faafuaiupu (1), i le Faletupe Tutotonu ma le Ofisa o Tiute mo le faamoemoe o le faatinoina o tiute tauave ma galuega tauave taitasi.

14. Faoa faamalosi ma le taofia o tinoitupe po o feagaiga tau tupe – E mafai e se tagata ofisa faatagaina ona faoa faamalosi ma taofia so o se tinoitupe po o pepa faatulafonoina o feagaiga tau tupe o lo o umia ia ua faaulufale mai i totonu po ua auina atu i fafo mai Samoa, i so o se faiga po o auala, pe afai ua i ai mafuaaga talafeagai i le tagata ofisa e masalomia ai ua:

- (a) faaaogāina i po ua maua mai i se solitulafono ogaoga, se solitulafono o tupe e faaofi mai faasolitulafono po o se solitulafono o le faatupeina o faiga faatupu faalavelave; po o
- (b) faamoemoe so o se tagata ina ia faaaogāina i le faia o se solitulafono ogaoga, se solitulafono o tupe e faaofi mai faasolitulafono po o se solitulafono o le faatupeina o faiga faatupu faalavelave.

15. Taofia ma le faamatuina atu o tinoitupe ma feagaiga tau tupe ua faoa faamalosi-(1) O tinoitupe ma pepa faatulafonoina o feagaiga tau tupe ua faoa faamalosi i lalo o le faafuaiupu 13(6) po o le fuaiupu 14 e le tatau ona taofia mo le silia i le 48 itula talu ona faoa faamalosi, seia vagana ua tuuina atu e le Faamasinoga se poloaiga e faaauau ai ona taofia mo se vaitaimi e le silia le tolu masina mai le aso sa faoa faamalasia ai, ina ua faamalieina e faapea:

- (a) o lo o i ai mafuaaga talafeagai e faapea sa maua mai i se solitulafono ogaoga, se solitulafono o tupe e faaofi mai faasolitulafono po o se solitulafono o le faatupeina o faiga faatupu faalavelave po o ua

faamoemoe so o se tagata e faaaogā i le faatinoina o se solitulafono; ma

- (b) o le faaauauina o lona taofia ua faamaonia peitai o lona amataga mai po o lona mafuaaga o lo o faia pea i ai suesuega.

(2) E mafai e le Faamasinoga mulimuli ane, ina ua maea ona suesueina, faatasi ai ma le logoina o vaega uma e aafia ai, ona poloaiina le faaauauina pea o le taofia o lea tinoitupe ma pepa faatulafonoina o feagaiga tau tupe o lo o umia pe afai ua faamalieina o ia i mataupu ua taua ma i totonu o le faafuaiupu (1), peitai o le aofaiga atoa o le vaitaimi e taofia ai e le tatau ona silia i le lua tausaga mai le aso o le poloaiga.

(3) I le noatia ma le fai fuafua i le faafuaiupu (4) o tinoitupe ma pepa faatulafono o feagaiga tau tupe ua taofia i lalo o lenei fuaiupu e tatau ona faamatuu atu atoa po o sona vaega i le tagata sa faoa faamalosi mai ai po o isi tagata sa latou tapaina aia i le tinoitupe po o pepa faaetutulafono o feagaiga tau tupe:

- (a) e ala i se poloaiga a se Faamasinoga e faapea o le faaauauina o lona taofia ua le toe faamaonia, i luga o se talosaga a lea tagata po o e avea ai ma sui o lena tagata ma ina ua tuanai ai ona iloiloina so o se manatu o le Pulega i se isi tulaga e ese mai ai; po o

- (b) e le Pulega, pe afai ua faamalieina o ia e faapea ua le toe faamaonia le faaauauina pea ona taofia.

(4) E leai se tinoitupe po o pepa faatulafonoina o feagaiga tau tupe o lo o taofia i lalo o lenei fuaiupu e tatau ona tatalaina i tua pe afai e talafeagai i se suesuega, moliaga po o se taualumaga i lalo o lenei Tulafono, le Tulafono o le Puipuia ma le Taofiofia o Faiga Faatupu Faalavelave 2002 po o le Tulafono o Tupe Maua Mai i Soligatulafono 2007.

(5) Afai e le i faamatuu ese se tinoitupe po o se pepa faatulafonoina o feagaiga tau tupe po o ua le toe faamaonia ona taofia ma ua leai se tagata e tapaina se aia i le tinoitupe po o se pepa faatulafonoina o feagaiga tau tupe e tatau ona faamatuu atu sea tinoitupe po o pepa faatulafonoina o feagaiga tau tupe i le Faaputugatupe o Meatotino ua Aveesea Faamalosi.

VAEGA III
NOATAGA E TAUSIA AI FAAMAUMAUGA MA
FAAMAONIA TULAGA E ILOAGOFIE AI

16. Ia faamaonia e faalapotopotoga tau tupe tulaga e iloagofie ai tagata e faaaogāina auaunaga-(1) E tatau i le faalapotopotoga tau tupe ona faailoagofie, ma faamaonia ai le tulaga e iloagofie ai se tagata e faaaogāina auaunaga ma tapa ni faamatalaga molimau talafeagai e iloagofie ai pe afai:

- (a) e faavaeina se sootaga faapisinisi; po o
- (b) faafoeina so o se gaoioiga faapisinisi; po o
- (c) o lo o masalomia se solitulafono o tupe e faaofi mai faasolitulafono po o le faatupeina o faiga faatupu faalavelave; po o
- (d) ua i ai le tulaga ua faaletonu le faalapotopotoga tau tupe e uiga i le tulaga moni po o le tonu o le tulaga e iloagofie ai tagata o lo o faaaogāina auaunaga po o le faamaonia o tulaga i pepa aloaia po o faamatalaga sa mauaina muamua.

(2) E tatau i se faalapotopotoga tau tupe ona faia fuafuaga talafeagai e faamautu ai le faamoemoe o so o se gaoioiga faapisinisi ma le amataga ma taunuuga mulimuli o faaputugatupe o lo o aafia i le gaoioiga faapisinisi.

(3) Afai ua faafoeina e se tagata se gaoioiga faapisinisi e ala i se faalapotopotoga tau tupe ma ua i ai i le faalapotopotoga tau tupe mafuaaga talafeagai e talitonuina ai e faapea o lo o faia e le tagata se gaoioiga faapisinisi e avea ai ma sui o so o se isi tagata po o tagata, ona faapea lea, e faaopoopo i le usitaia o faafuaiupu (1) ma le (2), e tatau i le faalapotopotoga tau tupe ona faamaonia le tulaga e iloagofie ai le isi tagata po o isi tagata o i latou ia, po o mo lo latou faamanuiaga mulimuli, ua faia ai lea gaoioiga faapisinisi.

(4) E le faaaogāina le faafuaiupu (1) po o le (2):

- (a) pe afai o le gaoioiga faapisinisi o se vaega o se sootaga faapisinisi o lo o i ai po ua masani ai ma se tagata ua uma ona ia tuuina mai faamatalaga molimau talafeagai e faailoagofie ai, seia vagana ai ua i ai le mafuaaga i le faalapotopotoga tau

tupe e faapea e masalomia lea gaoioiga

faapisinisi po o le tulaga e le masani ai; po o

- (b) afai o le gaoioiga faapisinisi o se gaoioiga faapisinisi e tasi ua faia e ese ai, e le silia le \$50,000 po o le aofai tutusa i se isi tupe, po o se aofaiga e pei ona mafai ona faatonuina e ala i tulafono faatonutonu, ae vagana ai e faapea:

(i) o lo o i ai ni mafuaaga talafeagai e talitonuina ai e faapea o le gaoioiga faapisinisi e tasi ua faia i se faiga e ese ai e tuufaatasia ma le tasi po o le sili atu o isi gaoioiga faapisinisi e ese mai ai ma o le aofaiga atoa o gaoioiga faapisinisi ua tuufaatasia e sili atu i le \$50,000 po o le aofaiga e tutusa i se isi ituaiga tupe, po o se isi aofaiga e pei ona faatonuina e le tulafono faatonutonu; po o

(ii) ua i ai le mafuaaga e masalomia ai e le faalapotopotoga tau tupe e faapea e masalomia le gaoioiga faapisinisi po o ua faia i se tulaga e le masani ai; po o

- (c) i se isi tulaga aliae mai e pei ona faatulagaina mai e le Pulega i totonu o Taiala.

17. Tulaga tatau e iloagofie ai mo le faafoeina o pisinisi – Afai e le o tuuina atu po ua mauaina faamatalaga molimau talafeagai e uiga i le faailoagofieina o se tagata o lo o faaaogāina auunaga e le faalapotopotoga tau tupe i lalo o le fuaiupu 16, e le tatau i le faalapotopotoga tau tupe ona toe faaauuina le gaoioiga faapisinisi seia vagana ai ua faatonuina ina ia faia faapea e le Vaega o Suesuega Faapitoa o Faamatalaga Tau Tupe ma e tatau ona lipoti atu i le Vaega o Suesuega Faapitoa o Faamatalaga Tau Tupe le gaoioiga faapisinisi po o le taumafai e faia se gaoioiga faapisinisi e aveva o se gaoioiga faapisinisi masalomia.

18. Ia tausia e faalapotopotoga tau tupe faamaumauga-

- (1) O se faalapotopotoga tau tupe o le a faatuina ma faamautu faatasi ma se faiga talafeagai e lagolagoina ai po o se faiga e toe

maua ai, i so o se ala o le a mafai ai e i latou ona toe maua po o le toe gaosiina i se tulaga manino i le faitau ma le aoga o sea tulaga vaaia, i totonu o se vaitaimi talafeagai:

- (a) o faamaumauga uma o gaoioiga faapisinisi ma fetusiaiga e faatatau i le gaoioiga faapisinisi; ma le
- (b) faamaumauga o mea e iloagofie ai se tagata ua maua mai e tusa ai ma le fuaiupu 16; ma
- (c) faamaumauga o lipoti uma e faia i le Vaega o Suesuega Faapitoa o Faamatalaga Tau Tupe; ma
- (d) o faafesili uma e faatatau i tupe e faaofi mai faasolitulafono ma le faatupeina o faiga faatupu faalavelave ua faia i ai e le Vaega o Suesuega Faapitoa o Faamatalaga Tau Tupe.

(2) O le a avea faamaumauga ua talafeagai lelei ma le tatau, e avea ma faamaumauga e manaomia i lalo o le parakalafa (1)(a), ina ia mafai ai ona toe faatulaga vave i so o se taimi le gaoioiga faapisinisi, e le Vaega o Suesuega Faapitoa o Faamatalaga Tau Tupe po o se lala sooupu e faamalosia le Tulafono.

(3) O faamaumauga o lo o taua i le faafuiauupu (1) e tatau ona teuina mo se vaitaimi a itiiti mai o le lima tausaga mai le aso:

- (a) na maua ai le faamatalaga molimau o itu e iloagofie ai le tagata; po o
- (b) o so o se gaoioiga faapisinisi po o se tusitusiga; po o
- (c) e faamuta ai se teugatupe po o se sootaga faapisinisi, po o le fea o ia mea e mulimuli ona faia.

(4) Pe afai e manaomia so o se faamaumauga e teuina i lalo o lenei tulafono, o se ata o lea tulafono e mafai ona teuina:

- (a) i se tulaga vaaia e mafai ona faitauina i se masini, pe afai o se ata o pepa e faigofie ona fausia mai ai; po o
- (b) i se faiga faaeletoroni, pe afai o se ata pepa e faigofie ona fausia mai ai faapea ma le saina faaeletoroni a le tagata o lo o teuina faamaumauga ua taofia.

(5) O faamaumauga o lo o tausia i lalo o le faafuaiupu (1) o le a mafai ona faaavanoaina atu i luga o se talosaga i le Vaega o Sueusega Faapitoa o Faamatalaga Tau Tupe mo faamoemoega o le faamautinoaina o le usitaia o lenei Tulafono.

19. Ia tausia e faalapotopotoga tau tupe teugatupe i igoa moni-(1) E tatau i se faalapotopotoga tau tupe ona tausia teugatupe i le igoa moni o le tagata e umia lea teugatupe.

(2) E le tatau i se faalapotopotoga tau tupe ona tatalaina, faagaoioi po o le tausia o so o se teugatupe e lē iloa po o ua faanumeraina po o so o se teugatupe o lo o faia i se igoa lē moni, sese po o se igoa e lē sao.

20. Ia mataituina e faalapotopotoga tau tupe gaoioiga tau pisinisi-(1) E tatau i se faalapotopotoga tau tupe o le a silasila totoa i:-

(a) so o se gaoioiga faapisinisi e lavelave, tulaga ese po o le tele; ma

(b) so o se faiga e le masani ai o gaoioiga faapisinisi, ma e leai se tulaga manino po o se faamoemoe lelei tau tamaoiga po o se faamoemoe faatulafonoina.

(2) E tatau i se faalapotopotoga tau tupe ona silasila totoa i:

(a) sootaga faapisinisi ma gaoioiga tau pisinisi ma tagata o i ai i pulega faa-faamasinoga ae le atoatoa faiga talafeagai o lo i ai e faafoe ai po o le taofia ai o tupe e faaofi mai faasolitulafono po o le faatupeina o faiga faatupu faalavelave; ma

(b) tupe faaliliuina atu faaeletoroni e le o aofia ai ni faamatalaga atoatoa o le tagata ua faapogai.

(3) E faasino i le faafuaiupu (1) ma le (2), e tatau i se faalapotopotoga tau tupe ona:

(a) suesueina le tulaga e mafai ona oo i ai le talaaga ma le faamoemoe o gaoioiga po o sootaga faapisinisi ma faamaumau ni taunuuga o ana suesuega i se faiga tusitusia; ma

(b) faaavanoaina atu ia taunuuga i le Vaega o Suesuega Faapitoa o Faamatalaga Tau Tupe, pe afai e talosagaina po o le lala sooupu e faamallosia le

tulafono, e fesoasoani ai i le Vaega o Suesuega Faapitoa o Faamatalaga Tau Tupe po o le lala sooupu e faamalosia le tulafono, i so o se suesuega e faatatau i se solitulafono ogaoga, o se solitulafono o tupe faaofi mai faasolitulafono, po o se solitulafono o le faatupeina o faiga faatupu faalavelave.

21. Faletupe ma tagata e tuuina atu auaunaga tau tupe ina ia aofia ai faamatalaga a tagata e faapogai – O faletupe ma auaunaga o tupe faaliliu atu o le a aofia ai faamatalaga a tagata faapogai ma isi feau e fesootai i tupe faalilu faaeletoroni ma isi ituaiga o tupe faaliliu atu ma o ia faamatalaga o le a tumau ai faatasi ma le tupe ua faaliliu atu.

22. Solitulafono – So o se faalapopotoga tau tupe po o so o se tagata e solia fuaiupu 16, 17, 18, 19, 20, po o le 21, ua na faia se solitulafono ma o le a noatia i se moliaga ua faamaonia faaletulafono i se sala tupe e le silia le 500 iunite tau faasalaga po o le nofosala i le falepuipui mo se vaitaimi e le silia le lima (5) tausaga, po o faasalaga uma e lua.

VAEGA IV NOATAGA E LIPOTI AI

23. Ia lipotia e faalapopotoga tau tupe ni gaoioiga ua masalomia-(1) Afai ua i ai i se faalapopotoga tau tupe ni mafuaaga talafeagai e masalomia ai o se gaoioiga faapisinisi, o se gaoioiga faapisinisi o foufou, po o se faamatalaga a le faalapopotoga tau tupe e uiga i so o se gaoioiga faapisinisi po o se gaoioiga faapisinisi o lo o taumafai e fai e mafai ona:-

- (a) talafeagai i se suesuega po o se moliaga o se tagata mo se solitulafono ogaoga, se solitulafono o tupe faaofi mai faasolitulafono po o se solitulafono o le faatupeina o faiga faatupu faalavelave; po o
- (b) fesoasoani i le faamalosia o le Tulafono o Tupe Maua Mai i Soligatulafono; po o

- (c) fesootai i le faia o se solitulafono ogaoga,
solitulafono o tupe faaofi mai faasolitulafono, po
o solitulafono o le faatupeina o faiga faatupu
faalavelave; po o
- (d) sauni mo le faia o se solitulafono o le faatupeina o
faiga faatupu faalavelave,

e tatau i le faalapotopotoga tau tupe, i se taimi vave lava e ono faatino ai, talu ona i ai lena masalosaloga, ae le sili atu nai lo le lua (2) aso faigaluega, ona lipotia le gaoioiga tau pisinisi po o le gaoioiga tau pisinisi o taumafai e fai, i le Vaega o Suesuega Faapitoa o Faamatalaga Tau Tupe.

(2) E tatau i se lipoti i lalo o le faafuiaiupu (1) ona:-

- (a) tusia ma e ono mafai ona tuuina atu e ala i le meli,
ata moni o le tusi po o le meli faaeletoroni po o
le telefoni, ma ia tuliloaina i se tusitusiga i se
taimi vave e mafai ai ona faatino, a ia le silia le
48 itula talu ona tuana'i le uluai talanoaga i le
telefoni po o so o se isi lava auala e ono mafai
ona faatonuina; ma
- (b) i ai i sea pepa faiga ma ia aofia ai ia faamatalaga
auiiili e mafai ona faatonuina i totonu o le taiala;
ma
- (c) e aofia ai se faamatalaga o mafuaaga ua faavaeina ai
le masalosaloga o le faalapotopotoga tau tupe;
ma
- (d) ia sainia po o le faamaonia i se isi faiga e ese mai ai e
le faalapotopotoga tau tupe.

(3) E tatau i se faalapotopotoga tau tupe sa faia se lipoti, po o ua na tuuina atu so o se isi faamatalaga i le Vaega o Suesuega Faapitoa o Faamatalaga Tau Tupe, ona tuuina atu i le Vaega o Suesuega Faapitoa o Faamatalaga Tau Tupe po o se lala sooupu e faamalosia tulafono o lo o faia se suesuega e afua mai, po o e fesootai i faamatalaga o i totonu o le lipoti, so o se isi faamatalaga o i ai e uiga i le gaoioiga tau pisinisi po o se gaoioiga tau pisinisi o taumafai e fai po o ni vaega o auai i le gaoioiga tau pisinisi, pe afai e talosagaina ina ia faapea ona faia e le Vaega o Suesuega Faapitoa o Faamatalaga Tau Tupe po o le Lala Sooupu e faamalosia le tulafono.

24. Ia lipotia e Pulega e vaavaaia po o suetusi gaoioiga tau pisinisi ua masalomia – Afai ua i ai i le pulega e vaavaaia po o se suetusi o se faalapotopotoga tau tupe ni mafuaaga talafeagai e masalomia ai sea faamatalaga, faapea e aafia ai so o se gaoioiga tau pisinisi po o se gaoioiga tau pisinisi o taumafai e faia ma e mafai ona:

- (a) talafeagai i se suesuega po o se moliaga o se tagata mo se solitulafono ogaoga, se solitulafono o tupe e faaofi mai faasolitulafono, po o se solitulafonoo le faatupeina o gaoioiga faatupu faalavelave; po o
- (b) fesoasoani i le faamalosia o le Tulafono o Tupe Maua Mai i Soligatulafono 2007; po o
- (c) faasino i le faia o se solitulafono ogaoga, se solitulafono tau tupe e faaofi mai faasolitulafono, po o se solitulafono o le faatupeina o faiga faatupu faalavelave; po o
- (d) sauniuni ai i le solitulafono o le faatupeina o faiga faatupu faalavelave, e tataui i le pulega e vaavaaia po o le suetusi o se faalapotopotoga tau tupe ona lipotia le gaoioiga tau pisinisi po o se gaoioiga tau pisinisi ua taumafai e fai i le Vaega o Suesuega Faapitoa o Faamatalaga Tau Tupe.

25. Faatagaga e faaauau ai se gaoioiga faapisinisi o masalomia – Afai o se faalapotopotoga tau tupe po o se tagata na te faailoa i le Vaega o Suesuega Faapitoa o Faamatalaga Tau Tupe se masalosologa po o se talitonuga i se gaoioiga faapisinisi e ono aafia ai tupe maua mai i solitulafono po o tupe faaofi mai faasolitulafono, ma ua faaauauina e le faalapotopotoga tau tupe po o se tagata o ona faia le gaoioiga faapisinisi, e le o faia e faalapotopotoga po o le tagata, po o le a lava le tulaga o i ai, se solitulafono i lalo o lenei tulafono, po o le Tulafono o Tupe Maua Mai i Soligatulafono 2007, ae vagana ai ua faapea o le isi gaoioiga ua faatinoina faatasi ma le maliega o le Vaega o Suesuega Faapitoa o Faamatalaga Tau Tupe.

26. Faamatalaga sese pe taufaasese – O se tagata o ia lea i le faia o se lipoti i lalo o fuaiupu 17, 23 po o le 24, ua ia faia so o se faamatalaga ua iloa e sese pe taufaasese i itu faapitoa po o le aveesea mai so o se faamatalaga, o so o se mataupu po o se mea e aunoa ma le iloa e le tagata o lea faamatalaga e sese po o e taufaasese i se itu faapitoa, e nofosala i se solitulafono e mafai ai ona faasalaina i luga o se moliaga ua faamaonia faaetulafono i se sala tupe e le silia le 500 iunite tau faasalaga po o le nofosala i le falepuipui mo le vaitaimi e le silia le lima (5) tausaga po o ia faasalaga uma e lua.

27. Faailoaina atu o lipoti o gaoioiga faapisinisi ua masalomia ma isi faamatalaga-(1) E le tatau i se faalapotopotoga tau tupe po o se pulega e vaavaaia, ona tagata ofisa, le afaigaluega, po o sooupu, se suetusi o se faalapotopotoga tau tupe po o so o se isi lava tagata, ona faailoa atu i so o se tagata:

- (a) e faapea o se lipoti i le Vaega o Suesuega Faapitoa o Faamatalaga Tau Tupe, i lalo o le faafuaiupu 23(1) po o le fuaiupu 24 sa faia po o le a mafai ona faia, po o nisi faamatalaga ua tuuina atu i lalo o le faafuaiupu 23(3); po o
- (b) e faapea o se faalapotopotoga tau tupe, pulega e vaavaaia po o le suetusi, po o le a lava le tulaga o i ai, ua i ai se masalosaloga e faasino i se gaoioiga tau pisinisi mo faamoemoega o faafuaiupu 23(1) po o le fuaiupu 24; po o
- (c) so o se isi lava faamatalaga e mafai ai e le tagata ua tuuina atu i ai le faamatalaga e faailoa atu e ono mafai ona faapea ua i ai se masalosaloga, po o le faapea ua faia se lipoti pe mafai ona faia.

(2) E le faaaogāina le faafuaiupu (1) i faamatalaga ua faailoaina atu i:

- (a) se tagata ofisa, tagata faigaluega po o se sooupu o le faalapotopotoga tau tupe, se pulega e vaavaaia po o se suetusi, po o le a lava le tulaga o i ai, mo so o se faamoemoe e fesootai ma le faatinoga o tiute tauave o lena tagata; po o

- (b) se loia a le faamasinoga, se loia faufautua, loia, faufautua a le faamasinoga, tagata tofia e fai ma sui o nisi mataupu faaletulafono, mo le faamoemoe ia maua mai ni fautuaga faaletulafono po o le ave ma sui e fesootai i le mataupu; po o
- (c) o le pulega e vaavaaia le faalapotopotoga tau tupe, mo faamoemoe o le faia o galuega tauave a le pulega e vaavaaia.

(3) E leai se tagata ua taua i le parakalafa (2)(b), o ia lea ua faailoa atu i ai so o se faamatalaga lea o lo o faasino i ai lena faafuaiupu, e tatau ona faailoa atu lena faamatalaga seia vagana ai o se isi tagata o i latou ua taua e lena faafuaiupu, mo le faamoemoe o le:

- (a) faatinoga o tiute o le tagata ua taua muamua lona suafa; po o
- (b) mauaina mai o fautuaga faaletulafono po o se faiga faasuitulaga e fesootai ma le mataupu.

(4) E le mafai ona faailoa atu o lena faamatalaga e se tagata ua taua i le parakalafa (2), o se tasi lea na te faailoa atu o so o se faamatalaga e talafeagai i ai o lena faafuaiupu, seia vagana ai o se tagata ua taua i lena faafuaiupu, mo le faamoemoe o le tuuina atu o se fautuaga faaletulafono, po o le faia o ni faiga faasuitulaga e fesootai i le mataupu.

(5) I le noatia ma le fai fuafua i lenei Tulafono, e leai se mea o le faafuaiupu (1) e oo i le (3) e tatau ona taofia ai le faailoaina o so o se faamatalaga e fesootai ma le, po o i le faagasologa o, taulumaga i luma o se faamasinoga.

(6) Afai e lē usitaia e se tagata le faafuaiupu (1) ua nofosala le tagata i se solitulafono i luga o se moliaga ua faamaonia faaletulafono i se sala tupe e le silia le 500 iunite tau faasalaga po o le nofosala i le falepuipui mo se vaitaimi e le silia le lima (5) tausaga, po o faasalaga uma e lua (2).

(7) Afai e le usitaia e se tagata le faafuaiupu (1) ma le faamoemoe e faalēaogāina ai se suesuega o se solitulafono ogaoga, o se solitulafono o tupe faaofi mai faasolitulafono, po o se solitulafono o le faatupeina o faiga faatupu faalavelave po o, mo le faamoemoe o le mauaina i se faiga tuusao po o le faaalatua se avanoa e faamanuiaina ai po o se faamanuiga tau

tupe mo i latou lava po o se isi tagata, ua nofosala le tagata i se solitulafono e mafai ona faasalaina i luga o se moliaga ua faamaonia faaetulafono i se sala tupe e le silia le 5,000 iunite tau faasalaga po o le nofosala i le falepuipui mo se vaitaimi e le silia le fitu (7) tausaga, po o faasalaga uma e lua.

28. Puipuiga o mea e iloagofie ai tagata ma faamatalaga i lipoti o gaoioiga tau pisinisi ua masalomia-(1) E le tataui se tagata ona ia faailoa atu so o se faamatalaga e iloagofie ai po o ono iloagofie ai:

- (a) so o se tagata ua na tauaaoina se faiga faapisinisi e tusa ai o le faia o se lipoti faapisinisi ua masalomia; po o
- (b) so o se tagata ua na saunia se lipoti faapisinisi ua masalomia; po o
- (c) so o se tagata ua na faia se lipoti faapisinisi ua masalomia; po o
- (d) so o se faamatalaga o aofia ai i totonu se lipoti o gaoioiga faapisinisi ua masalomia, po o faamatalaga ua aiaia e tusa ai ma le faafuaiupu 23(3),

vagana mo faamoemoega e faapea:

- (e) o le suesuega po o se moliaga o se tagata mo se solitulafono ogaoga, o se solitulafono o tupe faaofi mai faasolitulafono po o se solitulafono o le faatupeina o faiga faatupu faalavelave; po o
- (f) o le faamalosia o le Tulafono o Tupe Maua mai i Soligatulafono.

(2) E leai se tagata e tataui ona manaomia le faailoa atu o so o se faamatalaga o lo o faamasinomia i lalo o lenei fuaiupu, i so o se taualumaga faa-faamasinoga, vagana ua faamalieina le faamasino po o se isi alii ofisa o lo o avea ma faamasino e faapea o le faailoaina atu o le faamatalaga ua talafeagai lea ma le faia o le faamasinoga tonu.

(3) E leai se mea i lenei fuaiupu o faasaina ai le faailoa atu o so o se faamatalaga mo le faamoemoe o le moliaga o so o se solitulafono e faasaga i so o se aiaiga o le fuaiupu 29.

29. Puipuiga o tagata o lo o lipotia ni gaoioiga tau pisinisi ua masalomia-(1) E leai se tualumaga tau le va o tagata, solitulafono, pulega po o amio pulea, e tatau ona faia faasaga:

- (a) i se faalapotopotoga tau tupe, se suetusi po o se pulega e vaavaaia a se faalapotopotoga tau tupe; po o
 - (b) se tagata ofisa, tagata faigaluega po o se sooupu o le faalapotopotoga tau tupe, le suetusi po o le pulega e vaavaaia a se faalapotopotoga tau tupe o lo o galue e faatino le galuega a lena tagata po o le lala sooupu, e faasino i so o se gaoioiga a le faalapotopotoga tau tupe, le suetusi po o le pulega e vaavaaia po o o latou tagata ofisa, tagata faigaluega po o se lala sooupu i lalo o fuaiupu 17, 20(3), 23 po o le 24, i le loto lelei po o ina ia tausisia faatonuga e tuuina atu e le Vaega o Suesuega Faapitoa o Faamatalaga Tau Tupe e tusa ai ma le parakalafa 7(j).
- (2) E le tatau ona faaaogāina le faafuaiupu (1) e faasino i tualumaga mo se solitulafono ua faia i lalo o le fuaiupu 27.

30. Fesootaiga aloaia-(1) E leai se mea o i totonu o le fuaiupu 17 po o le 23 o lenei Tulafono e manaomia ai so o se loaia na te faailoaina atu so o se fesootaiga aloaia.

(2) Mo faamoemoega o lenei fuaiupu, faatoa avea se fesootaiga ma fesootaiga aloaia pe afai:

- (a) o se fesootaiga faalilolilo, pe faifofoga po o le faia i se faiga tusitusia i le va o:
 - (i) se loaia o le faamasinoga, se loaia faufautua, loaia, se sui po o faufautua faaletulafono i le tulaga tau tomā faapitoa o lea tagata ma se isi loaia o le faamasinoga, se alii faufautua o le faamasinoga, loaia, po o faufautua o le faamasinoga e tusa ai ma lea tulaga; po o

(ii) se loia o le faamasinoga, se alii faufautua, loia, loia po o faufautua o le faamasinoga i le tulaga tau tomai faapitoa ma le tagata o lo o faia i ai auaunaga, i se faiga tuusao pe leai ai foi e ala i se sooupu a so o se tasi o i laua; ma

(b) ua faia po o ua faatino mo le faamoemoe ina ia mauaina mai po o le tuuina atu o fautuaga faaletulafono po o fesoasoani; ma

(c) e le o faia po o faatinoina mo le faamoemoe e fai ai po o le faalauteleina o le faia o nisi faiga faasolitulafono po o faiga sese.

(3) Afai o le faamatalaga atoa po o se vaega o, po o e faasino atoatoa po o na o se vaega, pepa faamaonia o le taulimaina, tupe totogi atu, tupe maua, tupe alu po o feuiaiga faapisinisi a se tagata faapitoa (tusa lava po o se loia, se tagata o faia i ai se auaunaga a se loia, po o so o se isi lava tagata), e le tatau ona avea ma fesootaiga aloaia pe afai o aofia i totonu o, po o aofia ai le tulaga atoatoa po o se vaega o, so o se tusi, teugatupe, faamatalaga tau tupe po o isi lava faamaumauga ua saunia po o teuina e le loia, e faasino i se teugatupe tausii faamavaega a le loia.

(4) Mo faamoemoega o lenei fuaiupu, o faasinomaga i se loia, e aofia ai se kamupani o avea ai le tagata o se paaga, po o ua talitonuina o se paaga.

31. Isi faiga tau puipuiga a faalapotopotoga tau tupe-(1)

E tatau i se faalapotopotoga tau tupe ona:

(a) tofia se tagata ofisa e tausisia o ia lea e tatau ona nafa ma le faamautu ina o le tausisia e le faalapotopotoga tau tupe o manaoga o lenei Tulafono; ma

(b) faavae ma tausii taualumaga ma faiga e:

(i) faatino ai manaoga e iloagofie ai tagata e manaomia auaunaga i lalo o le fuaiupu 16; ma

(ii) faatino ai le tausii o faamaumauga ma manaoga e taofia ai i lalo o le fuaiupu 18; ma

(iii) faatino ai manaoga e lipotia ai i lalo o le fuaiupu 17 ma le 23; ma

(iv) lapataia ana tagata ofisa ma tagata faigaluega e uiga i tulafono e faasino i tupe e faaofi mai faasolitulafono ma le faatupeina o faiga faatupe faalavelave; ma

(v) lapataia ana tagata ofisa ma tagata faigaluega e uiga i tualumaga, faiga faavae ma faiga e sueina ai tusi ua faaaogāina e ia e puipui mai ai i tupe faaofi mai faasolitulafono ma le faatupeina o faiga faatupu faalavelave; ma

(c) aoao ona tagata ofisa, tagata faigaluega ma soupu ina ia aloaia ai gaoioiga masalomia.

(2) E le faaaogāina le faafuaiupu (1) i se tagata e toatasi (1), o ia lea, na te le o faafaigaluegaina po o faia se gaoioiga soofaatasi ma so o se isi lava tagata, a o faagasolo ai le tauaveina o le pisinisi a le tagata taitoatasi, ae vagana ai e faapea ua faailoa atu e le tagata so o se faamatalaga talafeagai po o isi mataupu lea e mafua ai le iloa po o se masalosaloga e faapea o lo o auai pe sa auai se tagata i se solitulafono ogaoga, se solitulafono o tupe e faaofi mai faasolitulafono po o se solitulafono e faatupeina ai faiga faatupe faalavelave.

32. Tausisia o le sueina faasuetusi o faamatalaga tau tupe - Afai o lo o manaomia i lalo o so o se Tulafono se faalapotopotoga tau tupe ina ia sueina faasuetusi ana faamatalaga tau tupe, e tataui i sea faalapotopotoga faatasi ai ma le tagata suetusi ona faamautu e faapea:

(a) e manaomia e le faalapotopotoga tau tupe lana suetusi ina ia sueina faasuetusi ma lipoti atu le tausisia e le faalapotopotoga tau tupe o aiaiga o le Tulafono, o tulafono faatonutonu ma Taiala ma ia tausisia faapitoa fuaiupu 16, 17, 18 ma le 31; ma

- (b) o le sueina faasuetusi e le suetusi ma lipoti atu le tausisia e le faalapotopotoga tau tupe o aiaiga o le Tulafono, o tulafono faatonutonu ma Taiala, e aofia ai mataupu ua faasinomia i totonu o le parakalafa (a); ma
- (c) ua tuuina atu e le suetusi i le Vaega o Suesuega Faapitoa o Faamatalaga Tau Tupe se ata o sea lipoti ua sueina faasuetusi i totonu o le fitu aso talu ona tuuina atu o sea lipoti i le faalapotopotoga tau tupe.

33. Solitulafono i lalo o le Vaega V-(1) So o se faalapotopotoga tau tupe po o so o se tagata o ia lea ua solia le fuaiupu 23, 24 po o le 28, ua faia se solitulafono ma e tatau ona noatia i luga o moliaga ua faamaonia faaletulafono i se sala tupe e le silia le 500 iunite tau faasalaga po o le nofosala i le falepuipui mo se vaitaimi e le silia le lima (5) tausaga, po o faasalaga uma e lua.

(2) So o se faalapotopotoga tau tupe po o so o se tagata o ia lea ua le tausisia le fuaiupu 31, ua faia se solitulafono ma e tatau ona noatia i luga o se moliaga ua faamaonia faaletulafono i se sala tupe e le silia le 100 iunite tau faasalaga po o le nofosala i le falepuipui mo se vaitaimi e le silia le lua (2) tausaga, po o faasalaga uma e lua.

VAEGA V FAAPUTUGATUPE O MEATOTINO UA AVEESEA FAAMALOSI

34. Faavaeina o le Faaputugatupe–(1) Ua faavaeina le Faaputugatupe o Meatotino ua Aveesea Faamalosi.

(2) O le Faaputugatupe o Meatotino ua Aveesea Faamalosi o se teugatupe tau faamoemoega faapitoa lea mo faamoemoega o le Tulafono o le Pulega o Tupe a le Malo 2001.

35. Tupe Faaopopo ua teuina i le Faaputugatupe – E tatau ona teuina i le Faaputugatupe o Meatotino ua Aveesea Faamalosi aofaiga o tupe e tutusa ma:

- (a) tupe maua mai meatotino ua faamatuu ese atu i lalo o le Tulafono o Tupe Maua Mai i Soligatulafono 2007; ma
- (b) tupe na totogiina i a Samoa e se Malo i fafo, i lalo o se feagaiga po o fuafuaga, ua aiaia ai mo fesoasoani soofaatasi i mataupu tau soligatulafono; ma
- (c) tupe, e ese ai nai tupe ua faasinomia i le parakalafa (b), ua totogiina i a Samoa e se Malo i fafo e tusa ai ma fesoasoani ua tuuina atu e Samoa e faasino i le toe faaolaina mai e lea atunuu o tupe maua mai soligatulafono po o le suesuega po o moliaga o se solitulafono ogaoga.

36. Faasoaina o meatotino - Afai ua manatu le Minisita ua talafeagai, ua faapea ona manaomia se fuafuaga faava o malo po o ua faatagaina po o mo le manuia lautele o tagata, e mafai e le Minisita ona poloaia e faapea o le meatotino atoa po o so o se vaega o so o se meatotino ua faamatuu ese i lalo o le Tulafono o Tupe Maua Mai i Soligatulafono 2007, po o le tau aogā o sona vaega e ao ona tuuina atu po o le lafoina i se Malo i fafo.

37. Tupe totogi mai le Faaputugatupe – O mea ua taua mulimuli ane o faamoemoega ia o le Faaputugatupe o Meatotino ua Aveesea Faamalosi:

- (a) o le faia o so o se totogi i atunuu ese ua manatu le Minisita e talafeagai i lalo o le fuaiupu 36; ma
- (b) o le faia o so o se totogi ua manatu le Minisita e talafeagai e faamalieina ai noataga a Samoa e tusa ai o:
 - (i) se poloaiga mai fafo ua faamauina e faamatuu atu ai; po o
 - (ii) se poloaiga mai fafo ua faamauina o faasalaga tau tupe; ma
- (c) le faia o so o se totogi i lalo o se polokalame ua faamaonia mai e le Minisita i lalo o le fuaiupu 38.

38. Polokalame Faamaonia mo tupe alu-(1) E mafai e le Minisita i se faiga tusitusia ona faamaonia se polokalame mo tupe alu i se tausaga faale tupe faapitoa e uiga i tupe o lo o aitalafu i le Teugatupe o Meatotino ua Aveesea Faamalosi.

(2) E ao ona faamaonia tupe alu mo na o le faamoemoe e tasi po o le sili atu o faamoemoea ua taua e faapea:

- (a) o le faatupeina o le Pulega o Puipuiga mai Tupe e Faaofi mai Faasolitulafono po o le Vaega o Suesuega Faapitoa o Faamatalaga Tau Tupe; po o
- (b) faiga e puipuia ai solitulafono; po o
- (c) faiga e faamalosi ai le tulafono.

VAEGA VI AIAIGA ESEESE

39. O se Solitulafono le Faaofi mai o Tupe Faasolitulafono mo Faamoemoea e Aumaia po o le Tuueseina Atu o Tagata Solitulafono – Mo faamoemoea o so o se tulafono e faasino i le aumaia po o le tuueseina atu o tagata solitulafono po o le tuuina o tagata solitulafono e fesolasolaa, o tupe faaofi mai faasolitulafono o se solitulafono lea e mafai ona faatagaina ai le aumaia po o le tuueseina atu o tagata solitulafono.

40. Aiaiga mo Faasalaga Lautele – So o se tagata o ia lea ua solia po o ua le mafai ona tausisia so o se aiaiga po o manaoga o lenei Tulafono lea e leai se solitulafono na faia faapitoa ai, ua faamaonia le nofosala i se solitulafono ma e tatau ona noatia i luga o se moliaga ua faamaonia faaletulafono i se sala tupe e le silia le 100 iunite tau faasalaga po o le nofosala i le falepuipui mo se vaitaimi e le silia le tasi (1) le tausaga, po o faasalaga uma e lua.

41. Teugatupe e faia i igoa lē moni, sese pe lē sao-(1) O se tagata o ia lea ua ia faia, faagaoioia po o le faatagaina o le faia po o le faagaoioia o se teugatupe i se faalapotopotoga tau tupe e faaogāina ai se igoa le moni, sese po o igoa le sao ua nofosala i se solitulafono ma e tatau ona noatia i luga o moliaga

ua faamaonia faaletulafono i se salatupe e le silia le 100 iunite tau faasalaga po o le nofosala i le falepuipui mo se vaitaimi e le silia le lua (2) tausaga, po o faasalaga uma e lua.

(2) Afai ua iloa se tagata i ni igoa eseese se lua pe sili atu, e le tataui i le tagata ona faaaogāina se igoa o nei igoa i le faiga o se teugatupe i se faalapotopotoga tau tupe seia vagana ai ua maea ona ia faailoa muamua mai le isi igoa po o igoa i le faalapotopotoga tau tupe.

(3) Afai ua faaaogāina e se tagata se igoa faapitoa i le faia o gaoioiga faapisinisi ma se faalapotopotoga tau tupe e faaailoa i ai se igoa ese po o igoa ia e masani ona iloa ai le tagata, e tataui i le faalapotopotoga tau tupe ona faia se faamaumauga o le faaailoaina ma e tataui i luga o le talosaga a le Vaega o Suesuega Faapitoa o Faamatalaga Tau Tupe ona tuuina atu i ai se ata o lea faamaumauga.

(4) Mo faamoemoega o lenei fuaiupu:

- (a) o se tagata ua amataina se teugatupe i luga o se igoa sese pe afai o le tagata, i le amataina ai o le teugatupe po o le avea ai ma se tasi e sainia le teugatupe, ua ia faaaogāina se igoa e ese ai nai lo le igoa lea e masani ona iloa ai le tagata; ma
- (b) ua faagaioia e se tagata se teugatupe e faaaogāina ai se igoa sese pe afai ua faia e le tagata so o se gaoioiga po o se mea e faasino i le teugatupe (pe ala i le teuina po o le talaina o tupe po o e ala i fesootaiga ma le faalapotopotoga tau tupe ua aafia ai po o se isi faiga e ese ai) ma i le faia ai faapea, ua ia faaaogāina se igoa e ese ai na i se igoa lea e masani ona iloa ai le tagata; ma
- (c) o le teugatupe o lo o i se igoa sese pe afai na amataina ona faia i se igoa sese, a o lumanai ai po o le maea ai o le aso na amata faamamaluina ai lenei Tulafono.

42. Noataga o tagata e ana galuega ma tagata ofisa autu-(1) So o se gaoioiga ua faia po o ua le faia e se tagata faigaluega po o se sooupu mo faamoemoega o lenei Tulafono, e tataui ona avea e faapea na faia po o e le i faia e le tagata o lo o faaigaigaluegaina lea tagata po o se tagata ofisa autu, tusa lava pe

na faia ma le iloa pe e leai foi po o le faamaoniga a le tagata e ana galuega po o tagata ofisa autu.

(2) E faatoa faaaogāina le faafuaiupu (1), i le tulaga e faapea o se sooupu, pe afai na faia le gaoioiga e le sooupu i totonu o tuutuuga a le lala sooupu a le sooupu po o feagaiga.

43. Noataga o faatonu, pule po o tagata ofisa o faalapotopotoga ua tuufaatasia faaletulafono – Afai ua faamaonia faaletulafono se moliaga o so o se faalapotopotoga ua tuufaatasia faaletulafono i se solitulafono i lalo o lenei Tulafono po o so o se tulafono faatonutonu ua faia i lalo o lenei Tulafono, e tatau i faatonu taitoatasi uma, pule po o tagata ofisa e aafia i le pulega o le faalapotopotoga ua tuufaatasia faaletulafono, ona nofosala i le solitulafono pe afai ua faamaonia e faapea o le gaoioiga ua faia po o e le i faia ua mafua ai le solitulafono na faia ma le iloa, pule, faatagaga po o le maliega a lea tagata.

44. O le lē faailoaina atu-(1) O lenei vaega e faaaogā i se tagata a o avea ai ma tagata ofisa po o le maea ai ona faamuta le avea ma tagata ofisa, tagata faigaluega, po o sooupu a le pulega po o le Vaega o Suesuega Faapitoa o Faamatalaga Tau Tupe.

(2) Ae vagana ai mo le faamoemoe o le faatinoina o tiute tauave o le tagata po o le faia o galuega tauave a le tagata i lalo o lenei Tulafono po o pe afai ua manaomia faaletulafono ina ia faia faapea e so o se faamasinoga, e le tatau i le tagata ua faasinomia i le faafuaiupu (1) ona faailoa atu so o se faamatalaga po o mataupu ia ua maua mai e le tagata i le faatinoga o ona tiute tauave po o le faia o galuega tauave a le tagata i lalo o lenei Tulafono, ae vagana ai mo se faamoemoega e tasi po o le sili atu ua taua i lalo:

(a) o le sailia, suesuega po o le moliaga o se solitulafono ogaoga, se solitulafono o tupe faaofi mai faasolitulafono po o se solitulafono o le faatupeina o faiga faatupe faalavelave; po o

- (b) o le faamalosia o le Tulafono o le Puipuia ma le Taofiofia o Faiga Faatupu Faalavelave 2002 po o le Tulafono o Tupe Maua Mai i Soligatulafono 2007.

45. Noataga o pulega e vaavaaia – E mafai e pulega talafeagai e vaavaaia se faalapotopotoga tau tupe ona:

- (a) faia so o se faiga talafeagai e puipuia ai po o le alofia ai e so o se tagata o ia lea o se tagata e le lelei ma talafeagai e faafoeina po o le auai, tuusao pe le tuusao, i le avea ma faatonu, pulega po o le faagaoioia o le faalapotopotoga tau tupe; ma
- (b) suesueina ma vaavaaia le faalapotopotoga tau tupe, ma faamaonia, e ala i suesuega masani e faia i le nofoaga tonu lea, e faapea o lo o tausisia ai e le faalapotopotoga tau tupe manaoga o lenei Tulafono; ma
- (c) tuuina atu taiala e fesoasoani ai i le faalapotopotoga tau tupe i le sueina o ituaiga amioga masalomia a tagata e manaomia auaunaga; ma
- (d) galulue faatasi ma lala sooupu o lo o faamalosia le tulafono ma le Vaega o Suesuega Faapitoa o Faamatalaga Tau Tupe, i totonu o le atunuu ma atunuu i fafo, i so o se suesuega, moliaga po o taualumaga e faasino i se solitulafono ogaoga, se solitulafono o tupe faaofi mai faasolitulafono, se solitulafono o le faatupeina o faiga faatupu faalavelave po o so o se isi tulafono i lalo o lenei Tulafono.

46. Puipuiga mausali-(1) E leai se noataga tau le va ma tagata, faasolitulafono po o noataga tau le pulega, e aofia ai mea ua faaleagaina po o faasalaga, e tatau ona faaee atu faasaga i le Malo o Samoa, le Minisita, le Pulega, le Vaega o Suesuega Faapitoa o Faamatalaga Tau Tupe, le Faatonu po o so o se tagata ofisa, tagata faigaluega po o sooupu a le Pulega po o le Vaega o Suesuega Faapitoa o Faamatalaga Tau Tupe po o so o se tagata o lo o galue e tusa ai o so o se pule ua faaee atu i ai e le Pulega po o le faatonu, po o le a lava le tulaga e i ai, e tusa ai

o so o se gaoioiga po o mataupu ua faia po o ua le faia i le agaga lelei i le faatinoina po o le faamoemoe e faatinoina o a latou galuega tauave patino ua faaeeina atu e po o i lalo o lenei Tulafono po o so o se tulafono faatonutonu ua faia i lalo.

(2) O tau faaletulafono e tetee atu ai i so o se tagi ua faia faasaga i le Minisita, le Pulega, le Faatonu po o se isi tagata ofisa, tagata faigaluega po o sooupu a le Pulega po o le Vaega o Suesuega Faapitoa o Faamatalaga Tau Tupe po o so o se tagata ua faia se gaoioiga e tusa ai ma so o se pule ua faaee atu e le Pulega po o le Faatonu, po o le a lava le tulaga e i ai, e tatau ona tologiina e le Malo o Samoa.

47. Lipoti faa-suetusi ma Lipoti Faaletausaga-(1) E tatau ona noatia le Pulega o Puipuiga mai Tupe e Faaofi mai Faasolitulafono ma le Vaega o Suesuega Faapitoa o Faamatalaga Tau Tupe i suesuega ma le sueina o tusi e po o i lalo o le faafoega a le Pule ma Suetusi Sili, seia vagana e faapea o lo o aofia teugatupe a le Vaega o Suesuega Faapitoa o Faamatalaga Tau Tupe, e avea ma vaega o teugatupe ua maea ona sueina faasuetusi a le Faletupe Tutotonu.

(2) E le tatau i le Pule ma Suetusi Sili ma tagata taitoatasi uma o lo o faia gaoioiga e avea ai ma sui o po o i lalo o le faatonuga a le Pule ma Suetusi Sili ona faaaogāina po o le faailoaina atu o so o se faamatalaga e faapea na latou mauaina, po o lea na avanoa i ai i latou, a o faagasolo le sueina o tusi vagana ai mo faamoemoe o le faatinoina o ia malosiaga po o le faatinoina o o latou tiute tauave ma galuega tauave i lalo o le Tulafono o Tausi Tusi a Tagata Lautele 1994.

(3) E tatau i le Pulega ma le Vaega o Suesuega Faapitoa o Faamatalaga Tau Tupe ona tuuina atu se Lipoti Faaletausaga i le Palemene i totonu o le tolu (3) masina mai le faaiuga o lena tausaga faaletupe seia vagana ai pe afai e aofia ai le Lipoti Faaletausaga e avea ma vaega o le Lipoti Faaletausaga a le Faletupe Tutotonu.

48. Tulafono faatonutonu-(1) E mafai e Le Ao o le Malo i luga o le fautuaga a le Kapeneta ona faia tulafono faatonutonu e faatonuina ai mataupu:

- (a) e manaomia po o le faatagaina e lenei Tulafono ina ia faatonuina; po o
 - (b) ua talafeagai po o ua fetau tonu mo le faatonuina e faia po o le faamamaluina i lenei Tulafono;
- (2) E aunoa ma le faatapulaaina o le faafuaiupu (1), e faaono mafai ona faia tulafono faatonutonu mo, po o e faasino i so o se mea ua taua e faapea:
- (a) e aiaia ai mo le tulafono faatonutonu ma le faafoeina o faalapopotoga tau tupe mo le puipuiga o tupe faaofi mai faasolitulafono ma le faatupeina o faiga faatupu faalavelave;
 - (b) ia faatonuina mea e manaomia, taulumaga ma faiga mo aoaoga, tulaga e iloagofie ai tagata e faaogāina auaunaga, tausiga o faamaumauga ma le lipotiina o noataga ma faafoega tau lotoifale i lalo o lenei Tulafono; po o
 - (c) pe afai e talafeagai le fuafuaina pe e sili atu le aofaiga o tinoitupe po o ituaiga tupe pe lei foi o so o se aofaiga faatonuina, le faiga ma le auala e fuafuaina ai so o se tinoitupe i tupe mai fafo lea ua faatatauina i se tulaga tutusa i talā Samoa.
- (3) O tulafono faatonutonu ua faia i lalo o lenei fuaiupu e mafai ona faaee atu ai faasalaga po o isi faasalaga e tusa ai o so o se faiga e solia ai po o le lē mafai ona taussia, e le silia se sala tupe e 100 iunite tau faasalaga po o le nofosala i le falepuipui mo se vaitaimi e le silia le tasi (1) le tausaga po o faasalaga uma e lua.

49. Soloia – Ua soloia le Tulafono o Puipuiga mai Tupe e Faaofi Mai Faasolitulafono 2000.

50. Faatulagaga faasaoina ma faatulagaga tau soloaiga-(1) O pepa aloaia taitasi uma ma gaoioiga tau le pule i so o se itu o lo o i ai i le taimi nei po o faamamaluina i le taimi o le soloia o le Tulafono o Puipuiga mai Tupe e Faaofi mai Faasolitulafono 2000, e tataua ona faaauau pea ona aloaia i lalo o aiaiga tutusa o lenei Tulafono seia aulia sea taimi o le a faapea ona suia po o le teuteuina po o le a faalēaogāina ai, i le a lava le

tulaga e manaomia e le mataupu, i lalo o aiaiga o lenei Tulafono.

(2) E ui lava i aiaiga o lenei Tulafono, o tusi talosaga uma ma isi mataupu e aliai mai i po o lalo o aiaiga o le Tulafono o Puipuiga Mai Tupe e Faaofi mai Faasolitulafono 2000, lea e le o fuafuaina po o tagofiaina i se isi faiga e ese ai i lalo o ia aiaiga i le aso e amata faamamaluina ai lenei Tulafono, e tatau ona fuafuaina po o le tagofiaina i se isi faiga e ese ai i lalo o aiaiga tutusa o lenei Tulafono faatasi ai ma teuteuga, fetuunaiga ma suiga e pei ona fuafuaina e le Minisita.

(3) E ui lava i aiaiga o lenei Tulafono, afai e le o lava tapena po o atoatoa ni aiaiga i le Tulafono mo le soloaiga mai le Tulafono o Puipuiga Mai Tupe e Faaofi Mai Faasolitulafono 2000 i lenei Tulafono, e mafai e le Minisita e ala i se Faasilasilaga ona faia ia aiaiga e pei ona manatu le Minisita e talafeagai ina ia fuafuaina lelei ma i se taunuuga lelei mo mataupu uma i lalo po o e aofia ai le Tulafono o Puipuiga Mai Tupe Faaofi mai Faasolitulafono 2000 ma lenei Tulafono ina ia fuafuaina lelei ma atoatoa po o le tagofia i se isi faiga e ese ai.

**FAAMATALAGA 1
GAOIOIGA A FAALAPOTOPOTOGA TAU TUPE
(Fuaiupu 2)**

1. O pisinisi tau teuga tupe e pei ona faamatalaina i totonu o le Tulafono o le Faletupe Tutotonu o Samoa 1984 ma le Tulafono o Faalapotopotoga Tau Tupe 1996;
2. Pisinisi o Teugatupe Faava o Malo e pei ona faamatalaina i totonu o le Tulafono o Teugatupe Faava o Malo 2005;
3. Iuni faaunetupe;
4. Faaunegatupe, e aofia ai aitalafu a tagata o lo o faaaogāina auaunaga, aitalafu o mokesi, fuafuaina ma le faatupeina o gaoioiga faapisinisi (ua faau ese mai pe leai);
5. Faatupeina o Lisi;
6. Auaunaga e lafoina tupe;

7. Tuuina atu ma le pulea o auala o totogi ai tupe (e pei o pepa mo tupe tala, tupe siaki tau femalagaiga ma siaki tau tupe);
8. Faia ma le tuuina atu o feagaiga tau faamaoniga ma noatiaga;
9. Fefaatauaiga i luga o ana lava teugatupe po o teugatupe a tagata o lo o faaaogāina auaunaga i;
 - (a) pepa faaletulafono o maketi tau tupe ma (e pei o tupe siaki, tupe pepa po o tusi faamaonia o teugatupe); po o
 - (b) fesuaiga o tupe mai fafo; po o
 - (c) pepa faaletulafono e maua mai i tulaga tau tupe ma oloa tau tupe (e pei o oloa ua fuafuaina mo le lumanai po o e faia ai filifiliga); po o
 - (d) pepa faaletulafono o fua faatatau o tupe tului ma fesuaiga o tupe; po o
 - (e) pepa faaletulafono o tupe faaliliu ma tupe faatoa mafai ona talaina i tua e le tagata o lo o fai agai i ai;
10. O Mataupu o sea faamaonia ma le auai i ia mataupu ma le tuuina atu o galuega tau tupe e faasino i ia mataupu;
11. Fefaatauaiga o tupe;
12. Pisinisi o tupe teu faafaigaluega e aofia ai tofiga tau pulega ma fautuaga; teu malu ma le puleaina o faamalumaluga, auaunaga o le teuina saogalemu ma le galue e ave a se tagata e tagofiaina faamalumaluga po o tagata e faatauina atu pe faatau mai oloa i le lumanai;
13. Gaoioiga tau pisinisi o inisiua e aofia ai le tauaveina o pisinisi a se tagata fai inisiua po o sooupu tau inisiua;
14. Pule tau mavaega po o le pule o tupe teu faafaigaluega o se poloakalame tau supaaniueta ae peitai e le aofia ai polokalame ua faamutaina;
15. Pisinisi tau auro;
16. Tausi mavaega, pule po o pule o se faaputugatupe soofaatasi po o vaega tau tausii mavaega;
17. Faagaoioia o se fale o taaloga sue tupe, kasino po o taaloga tau petipetiga, e aofia ai le faagaoioiga e ala i le initaneti pe afai ua auai atu tagata e faaaogāina auaunaga

i ni gaoioiga faapisinisi e tutusa ma po o i luga atu o le \$10,000 pe sili atu po o le tulaga tutusa i se isi ituaiga tupe, po o isi aofaiga e pei ona mafai ona faatonuina e le tulafono faatonutonu;

18. Mavaega po o tagata e tuuina atu auaunaga autasi;
19. Pisinisi a Kamupani tausī mavaega e pei ona faamatalaina i le fuaitau “tauaveina pisinisi” ma “kamupani tausī mavaega” i totonu o le fuaiupu 2 o le Tulafono o Kamupani Tausī Mavaega 1987;
20. Loia (loia o le faamasinoga ma loia faufautua) pe afai:
 - (a) e fesoasoani i le fuafuaina po o le faatinoina o feuiaiga faapisinisi mo o latou tagata e faaaogāina auaunaga e faasino i:
 - (i) le teuina po o le teu faa-faigaluegaina o tupe; po o
 - (ii) faatauina mai ma le faatau atu o meatotino moni po o faalapotopotoga tau pisinisi; po o
 - (iii) puleaina o tupe a tagata e faaaogāina auaunaga, faamalumaluga po o isi meatotino; po o
 - (iv) amataina po o le pulea o se faletupe, teugatupe po o teugatupe e i ai faamalumaluga; po o
 - (v) faalapotopotoga o saofaga talafeagai mo le faatuina, faagaoioia po o le pulea o kamupani; po o
 - (vi) faatuina, faagaoioia po o le pulega o tausī mavaega, kamupani po o fausaga tulaga tutusa; po o
 - (b) i le galue e avea ma sui o po o mo le tagata e faaaogāina auaunaga i so o se gaoioiga tau tupe po o meatotino moni, ae peitai e mo na o le tulaga e faapea o lo o mauaina e le loia tupe a o faia lana pisinisi mo le faamoemoe e teuina po o

le teuina faafaigaluega (po o le faia ai o faaiuga o gaoioiga faapisinisi o meatotino moni e teuina pe leai tupe i totonu o se teugatupe ese faa-tausi mavaega);

21. Tausitusi po o se tausitusi faamaonia a tagata lautele, ae peitai e mo na o le tulaga e faapea e tuuina atu e le tausitusi fautuaga tau tupe teu faafaigaluega po o le mauaina o tupe a o faagasolo pisinisi tau tausitusi mo faamoemoega o le teuina po o le teu faafaigaluegaina (pe teuina pe leai tupe i totonu o se teugatupe ese faa-tausi mavaega);
22. Sooupu o esetete moni, pe afai o aofia ai i gaoioiga faapisinisi mo tagata e faaaogāina le latou auaunaga e faasino i le faatauina mai ma le faatauina atu o esetete moni;
23. Auai i gaoioiga faapisinisi i mea tau esetete moni po o meataitasi e maualuga tau aogā, e aofia ai measina o aso anamua;
24. Tagata e tagofiaina metale taua ma maa taua, e aofia ai penina, pe a latou auai ai i so o se gaoioiga faapisinisi i tinoitupe ma se tagata e faaaogāina auaunaga e tutusa ma le \$50,000 po o le sili atu, po o e tutusa ma se isi ituaiga tupe, po o so o sea aofaiga e faaono mafai ona faatonuina e le tulafono faatonutonu.

**O le Tulafono o Puipuiga mai Tupe e Faaofi mai Faasolitulafono
2007 o lo o faafoeina e le Faletupe Tutotonu o Samoa.**

**Lolomiina e le Failautusi o le Fono Aoao Faitulafono,
i le pule a le Fono Aoao Faitulafono.**